

ጳውሎስ ሮሜ አሳስ ፃፊዱ ኪታ ጋሳ ቆፋ

ሃዋርያ ጳውሎስ ኪታይ ሮሜ አሳስ ፃፊቱዳይ፡ ጳውሎስ ሮሜን ዴዲያ ዋሳ ከላ ቤዓናው ቆፒዳ ጊሾ ኢ ቢያ ዋዴ ኤንቲ ጊጊዲ ናጋና ሜላ አላናሳ። ጳውሎስ ቆፋይ ሮሜን ዴዲያ አማኔይሳታራ ጉላ ዋዴ አላዳፔ ጉዬ ኤንቲ ኢያ ማዲን ኢሰፔኔ ባናሳ። አማኖባ ኢ ኤሪዳይሳኔ አማኒያ አሳይ ሄ ተሚርቲያ ኦሶን ፔሻና ሜላ ቆንጨሲዲ ፃፊስ። ሃ ማፃፋን ጳውሎስ ኩሜላ ኪታይ ሃ ቆፋ አይኬስ።

ጳውሎስ ሮሜን ዴዲያ አማኒያ አሳታ ኮይሮ ሳርላ ሲሚዲ፡ ካሊዲ ኤንታው ዋሴይሳ ኦዲዳፔ ጉዬ ባ ኪታስ ጉልዓ ቆፋ፡ «ዋንጌላን ያሳ ዒሎቴላይ ቆንጨስ፤ ሄ ዒሎቴላይ ኮይሮፔ ወርሴላ ጋካናው አማኖን ቆንጨስ» ጊዲ ኦዴስ (1:17)።

ሄሳፊ ጉዬ፡ ሄ ቆፋ ዳልጊሲዲ ፃፊስ። አይሁዴታ ጊዲን አይሁዴ ጊዶና አሳ ጊዲን ኡባይ ናጋራስ ሃሬቲዳይሳታ ጊዲያ ጊሾ ኤንቲ ያሳራ ሲጌታናው ኮሼስ። አሳይ ያሳራ ሲጌታናው ዳንዳዔይ ዩሱስ ኪሪስቶሳ አማኖና። ኤንቲ ያሳራ ሜዲያ ሃ ኦራላ ጋሄቴላ አይፌይ፡ ኦራላ ዴዶ ጊዴይሳ ጳውሎስ ዳልጊሲዲ ኦዴስ። አማኒያ አሲ ያሳራ ሳሮ ዴዔስ፤ ቃሲ ያሳ አያና ባጋራ ናጋራፔኔ ሃይቆ ዋልቃፊ ኬሲ ኤኬስ። ሼምፖ 5-8 ጋካናው ጳውሎስ ያሳ ሂጌይኔ አማኒያ አሳ ዴዶን ኦላያ ያሳ አያና ዋልቃ ቆፋይ አይቤኮ ኦዴስ። ሄሳፊ ካሊዲ፡ ጳውሎስ፡ «ያሳይ አሳ ናይታስ ቆፒዳ ቆፋ ጊዶን አይሁዴቲኔ አይሁዴ ጊዶና አሳይ ዋኒዲ ኢሲፊ ዋፃታናው ዳንዳዔ?» ያጊያ ኦይሻስ ዛሮ ኢማናው ባፃቲስ።

ቃሲ አይሁዴቲ ዩሱሳ ኤኮና ኢዒዳይ ያሳ ቆፋ ጊዴይሳ ኦዴስ። ሄሲ ሃኒዳይ ዩሱስ ኪሪስቶሳ ባጋራ ቆንጨሲዲ አጼ ኬሃቴላ ጊዶን አሳ ዛሬ ኡባ ሃጳና ሜላሳ። ጊዶሺን፡ አይሁዴቲ ዩሱሳ ኤኮና ዋዴይ ያናይሳ ጳውሎስ አማኔስ። ወርሴላን ጳውሎስ አማኖ ዴዶ ዋኒዲ ዳናው ቤሲያኮ ኦዴስ። ያሳስ አላናባ፡ አማኒያ አሳቲ ባንታ ቢታሲኔ ባንታ ጊዶን ኢሶይ ኢሱዋስ አዋቴላን አላናባኔ ካሃ ጋሶን ሜዲቲያ ኦይሼታባ ቆንጨሲዲ ኦዴስ።

ሮሜ ኪታ አይፊ ቆፋታ

ጌሎ ቆፋ 1:1-15

ሮሜ ኪታ ሁዔ ቆፋ 1:16-17
 አሳ ናዓስ አቶቴሌ ኮሼይሳ 1:18-3:20
 ያሳይ አሴ አሺያ ኦጊያ 3:21-4:25
 ኪሪስቶስን ቤንቲያ ኦራላ ዴዑዋ 5:1-8:39
 ኢስራዔልስ ያሳ ቆፋ 9:1-11:36
 አማኒያ አሳ ዱሳ 12:1-15:13
 ኩሻ ቆፋኔ ሳሮሶ 15:14-16:27

¹ ዬሱስ ኪሪስቶስ አይሌ ጊዲዳ፡ ሃዋሪ ጊዳና ማላ ጭቲዳይሳፊኔ ያሳ ዋንጌላ ሳባካና ማላ ዶሬቲዳ ጳጳሎስ ከቲዳ ኪታ።

² ያሳይ ዳሮ ዋዴፔ ሲንፉ ባ ናቤታ ባጋራ አማና ያጊዳ ያሳ ዋንጌላይ ጌሻ ማፃፋታን ፃፊቲስ። ³ ሄ ዋንጌላይ አሾን ዳዊቲ ሸሻፕ ዬሌቲዳ፡ ያሳ ናዓ፡ ኦ ጎዳ ዬሱስ ኪሪስቶስ። ⁴ ቃሲ ኢ ባ ጌሻ አያናን ሃይቆፔ ዴንዲዲ፡ ያሳ ናዓ ጊዴይሳ ጊታ ዋልቃን ቤሲስ። ⁵ ኢያ ባጋራ አይሁዴ ጊዳና አሳ ኡባይ፡ አማኒዲ ከቲታና ማላ ኪሪስቶስ ሱንላ ጊሾ ያሳይ አቶ ኬሃቴሌኔ ሃዋሪቲላ ማታ ኡስ አሚስ። ⁶ ዬሱስ ኪሪስቶስ ጊዳና ማላ ጭቲዳ አሳታፔ ባጋቲ ሂንቲና።

⁷ ሮሜን ዴዒያ፡ ያሳይ ሲቄይሳታሲኔ ኢያ ጌሻ ዴሬ ጊዳና ማላ ዶሪዳይሳታስ።

ያሳ ኦ አዋፔኔ ጎዳ ዬሱስ ኪሪስቶስ፤ አቶ ኬሃቴላይኔ ሳሮቲላይ ሂንቲው ጊዳ።

ጋላታ ዋሳ

⁸ ኡባፌ ኮይሮታዳ፡ ሂንቲ አማኖይ ቢታ ኡባን ሲዔቲዳ ጊሾ ዬሱስ ኪሪስቶስ ባጋራ ሂንቲ ጊሾ ታ ያሳ ጋላታይስ። ⁹ ታኒ ኢያ ናዓ ዋንጌላባ ኩሜላ ዋዛናን ኦዲያ ያሳይ፡ ታኒ ታ ዋሳን ኡባ ዋዴ ሂንቲና ቆፔይሳስ ኢ ማርካ። ¹⁰ ዉርሴላን፡ ያሳ ሼኔ ጊዲኮ፡ ታኒ ሂንቲኮ ባናው ኦጌይ ታው ኢንጃታና ማላ ኡባ ዋዴ ዋሳይስ። ¹¹ ታኒ ሂንቲው አያና ኢሙዋ ሻካናዉኔ ሂንቲና ቤዓናው ላዋታይስ። ¹² ሄሲካ፡ ታኒ ሂንቲ አማኑዋን፡ ቃሲ ሂንቲ ታ አማኑዋን ሚኔታና ማላሳ።

¹³ ታ ኢሻቶ፡ ታኒ አይሁዴ ጊዳና አሳፔ አይፌ ዴሚዳይሳዳ፡ ሂንቲፊካ አይፌ ዴማናው ሂንቲኮ ባናው ቆፓስ፡ ሺን ዲጌታስ።

¹⁴ ታማሪዳ አሳሲኔ ታማሪቦና አሳስ ቃሲ ጨንጫታሲኔ ኤያታስ ታው አጮይ ዴዔስ።

15 ሄሳ ጊሾ፡ ሮሜን ዴሲያ ሂንቴወካ ዋንጌላ ኦዳናው አሞታይሰ።

ዋንጌላይ ያሳ ዋልቃ

16 ኢያ አማኒያ ኡባ፡ ኮይሮቲዲ አይሁዴታ፡ ካሊዲ አይሁዴ ጊዶናይሳታ አሻናው ዋንጌላይ ያሳ ዋልቃ ጊዲያ ጊሾ ታ ዋንጌላን ዩላቲኬ። 17 ዲሎይ አማኖን ዴያን ዳና ጌቲቲዲ ጌሻ ማፃፋን ፃፊቲሰ። ዋንጌላን ያሳ ዲሎቲላይ ቆንጨሰ፤ ኮይሮፔ ወርሴላ ጋካናው አሳይ ዲሎይ አማኖና።

አሳ ኢታቲላ

18 ቱማይ ኤሬቶና ሜላ ባንታ ኢታ ኦሶን ካሚያ አሳ ቦላኔ ናጋራ ኡባ ቦላ፡ ያሳ ሃንቆይ ሳሎፔ ዋዴሰ። 19 ያሳይ ኤንታው ቆንጨናው ቤሲያባ ቆንጨሲዳ ጊሾ ኤንቲ ያሳባ ኤርሶና። 20 አላማይ ሜዴቶሳፔ ደሚዲ፡ አሳሰ ቤንቶና ያሳ ካንዶይ፡ ሄሲካ ኢያ ሜሪና ዋልቃይኔ ያሳቲላይ ኢያ ሜዴቲላን ቆንጨዲ ዴሲያ ጊሾ አሳይ ባንታ ኢታቲላሰ ጋሶያባይ ባዋ።

21 ኤንቲ ያሳ ኤሪሼ፡ ኢያ ቦንቲቦኮናኔ ጋላቲቦኮና። ኤንታ ቆፋይ ማዶናባ ጊዲሰ፤ ኤንታ አኬኮና ዋዛናይ ቋሚሰ። 22 ኤንቲ ባንታና ጨንጫታ ጎሶና፡ ሸን ኤያታ። 23 ኤንቲ ሃይቆና ያሳ ጎይናናይሳ አጊዲ፡ ሃይቂያ አሳ ሜዶን፡ ካፎታ ሜዶን፡ ደባታ ሜዶኒኔ ኡሎራ ጎሼቲያባታ ዳኒሲዲ ኦሊዳ ሚሲሌታ ጎይኒዶሶና።

24 ሄሳ ጊሾ፡ ኤንቲ ኢሶይ ኢሱዋራ ቦርሶባ ኦሊዲ፡ ባንታ አሳቲላ ካወሻና ሜላ ያሳይ ኤንታ ዋዛናይ አሞቲያ ቱና ኦሶሰ ኤንታ ዬጊ አጊሰ። 25 ሄሲ ሃኒዳይ ኤንቲ ያሳ ቱማ ዋርዶን ላሚዳ ጊሾኔ ሜዲዳ ያሳ አጊዲ፡ ሜዴቲላ ጎይኒዳ ጊሾሳ። ያሳይ ሜሪናው ጋላቲቲዳይሳ። አሚንዒ።

26 ሄሳ ጊሾ፡ ያሳይ ኤንታና ኤንታ ቦርሶ አሙዋሰ ዬጊ አጊሰ። ኤንታ ማጨሳይ ባንታው ቤሲያ አዴራ ጋሂቲላ አጊዲ፡ ቤሶናባ ሃኒዲ ማጨሲ ማጨሳራ ጋሂቲዶሶና። 27 ሄሳዳካ፡ አዴቲ ባንታው ቤሲያ ማጨሳራ ጋይቲላ አጊዲ፡ አዴይ አዴራ ጋሂቲዶሶና። አዴቲ ኢሶይ ኢሱዋራ አሞን ፀጌቲዲ፡ ቦርሶባ ኦሊዶሶና። ባንታ ኦሊዳ ባላሰ ቤሲያ ፒርዳ ኤኪዶሶና።

28 ኤንቲ ያሳ ኤሪሼ፡ ሃሪ አቶሺን ኢያባ ቆፓናው ኮዮና ኢዲዳ ጊሾ ቤሶናባ ኦላና ሜላ ያሳይ ኤንታና ፓሶና ቆፋሰ አሊ አሚሰ።

29 ኤንታን ጌላቴሊ፥ ኢታቴሊ፥ ዪቄይ፥ ጌኔይ፥ ቃናቴይ፥ ሽሞፖ ዋዶይ፥ ፓላሚ፥ ጨዋይኔ ኢታ ኣሞይ ኩሚሰ። ኤንቲ ዚጊሬይሳታ፥
30 ኣሳ ሱንሊ ኢሴይሳታ፥ ያሳ ኢፃይሳታ፥ ጫዬይሳታ፥ ኦቶሬይሳታ፥ ጨቄቴይሳታ፥ ኢታባ ኦላናው ኮዬይሳታኔ ባንታ ኣዬሲኔ ኣዋሰ ከቴቶናይሳታ፥ 31 ኣኬኮናይሳታ፥ ጫቆ ሚንሐይሳታ፥ ሰቆይ ባይናይሳታ፥ ቃዶይ ባይናይሳታ። 32 ሃይሳታ ማላ ኦሐይሳታሰ ሃይቆይ ቤሴሰ ጊያ ያሳ ሂጊያ ኤሪሹ፥ ሃይሳታ ኦሶሶና፥ ኤንቲ ባንታው ኦሶ ፃላላ ጊዶናሺን ኦሊያ ሃራታካ ናሾሶና።

2

ያሳ ፂሎ ፒርዳ

1 ሃሳ ጊሹ፥ ኔኖ ሃራታ ቦላ ፒርዳይሶ፥ ኔኒ ጋሶያባይ ባዋ። ኔኒ ሃራታ ቦላ ፒርዳሹ፥ ሄ ኔኒ ፒርዲያ ኡራ ማላ ኦሊኮ፥ ኔ፥ ኔ ቦላ ፒርዳሳ። 2 ሃሳ ማላ ኦሶ ኦሐይሳታ ቦላ ያሳይ ፂሎ ፒርዳ ፒርዳይሳ ኑ ኤርሰ። 3 ኔኖ፥ ሃሳ ማላ ኦሶ ኦሐይሳታ ቦላ ፒርዳይሶ፥ ኤንቲ ኦሐይሳ ማላ ኦሐይሶ፥ ኔኒ ያሳ ፒርዳፌ ኣታናባ ዳኒ? 4 ዋይኮ ያሳ ኬሃቴላ፥ ጌንጫኔ ዳንዳባ ዳርቴላ ካጳዬ? ያሳይ ኔው ኬሂዳይ ኔና ናጋራፔ ዛራናው ጊዳይሳ ኤሪኪዬ?

5 ሺን ሂንቴው ሹቻ ዋዛኒኔ ሲዖና ሃይሊ ዴዔሰ። ሃሳ ጊሹ፥ ያሳ ሃንቆይኔ ፂሎ ፒርዳይ ቆንጨያ ጋላሰ፥ ኔ ቦላ ፒርዳይ ዳራና ማላ ኦላሳ። 6 ያሳይ ኢሱዋሰ ኢሱዋሰ ኢያ ኦሱዋ ማላ ኢማና። 7 ሎዖ ኦሶን ሚኒዲ፥ ጋላታ፥ ቦንቾኔ ጳዮና ዴዐዋ ኮዬይሳታሰ ያሳይ ሜሪና ዴዐዋ ኢማና። 8 ሺን ባንታና ሲቄይሳታ፥ ቱማ ኢፃይሳታኔ ኢታባ ኦላናው ኮዬይሳታ ቦላ ያሳ ሃንቆይኔ ፒርዳይ ያና። 9 ኢታባ ኦሊያ ኣሳ ኡባ፥ ኮይሮቴዲ ኣይሁዴታ፥ ካሊዲ ኣይሁዴ ጊዶና ኣሳ ሜቶይኔ ዋዬይ ጋካና። 10 ሺን ያሳይ ሎዖ ኦሶ ኦሊያ ኡባሰ፥ ኮይሮቴዲ ኣይሁዴታሰ፥ ካሊዲ ኣይሁዴ ጊዶናይሳታሰ ጋላታ፥ ቦንቾኔ ሳርቴላ ኢማና። 11 ያሳይ ሶሞዖ ቤዒዲ ኣሴ ሻኬና።

12 ሂጌይ ባይና ናጋራ ኦሊዳ ኡባይ ሂጌይ ባይና ጳያና። ሂጌይ ዴዒሺን፥ ናጋራ ኦሊዳ ኡባይ ሂጌን ፒርዳታና። 13 ያሳ ሲንላን ፂሊይሳቲ ሂጌ ናጌይሳታፔ ኣቲን ሂጌ ሲሳ ፃላላ ሲዔይሳታ ጊዶኮና። 14 ሂጌይ ባይና ኣይሁዴ ጊዶና ኣሳይ ሜዶን ሂጌይ ከቴይሳ ኦሶሶና። ኤንታው ፃፌቴዳ ሂጌይ ባይና ኢፂኮካ ኤንቲ ባንታ ዋዛናን ሂጊያ ኤርሶና። 15 ኤንታ ሃኖታይ፥ ሂጌ ከታይ

እነታ ዋዛናን ፃፊቲዳይሳ ቤሴሰ። ቃሲ እነታ ካሃይ እነታ ቦላ ማርካቴሰ። እነታ ቆፋይ ኢሲ ኢሲ ቶሆ እነታና ባላ ጌሰ፤ ኢሲ ኢሲ ቶሆ እነታና ሊኬ ጌሰ። ¹⁶ ታ ታማርሲዳ ዋንጌላ ማላ ያሳይ ዩሱስ ኪሪሰቶሳ ባጋራ ኣሳ ዋዛናን ጌሚዳ ቆፋ ፒርዲያ ዋዳ ሄሲ ኤሬታና።

ኣይሁዴታኔ እነታ ሂጊያ

¹⁷ ሺን ኔ ኔና ኣይሁዴ ጋሳ፤ ሂጊን ዜምፓሳ፤ ያሳን ጨቃሳ።
¹⁸ ኔ ኣላና ማላ ያሳይ ኮያባይ ኣይቤኮ ኤራሳ። ሂጊያ ታማሪዳ ጊሾ ቱማ ጊዲያባ ዶራናው ኤራሳ። ¹⁹ ኔኒ ቆቂታ ካሌፊይሳ፤ ቃሲ ጳማን ዴዔይሳታሰ ፖያ ጊዴይሳ ሻካ ኤራሳ። ²⁰ ኔኒ ሂጊያፌ ዴሚዳ ኤራቴላኒኔ ቱማቴላን ኤያታ ኤሪሴይሳኔ ዮጋታ ታማርሴይሳ ጊዴይሳ ኤራሳ። ²¹ ያቲን፤ ኔ ሃራታ ታማርሴይሴ ኔ ኔና ኣይሰ ታማርሲኪ? ኔኒ፤ «ካይሶቶፓ» ጋሼ፤ ኔኒ ኔ ሁዔን ካይሶታዬ? ²² ኔኒ፤ «ላሞፋ» ጋሼ፤ ኔኒ ኔ ሁዔን ላማዬ? ኔኒ ኤቃ ኢፃሼ፤ ኤቃይ ዴዒያ ኬላ ቦንቃዬ? ²³ ኔኒ ያሳ ሂጊያን ጨቂታሳ፤ ሺን ሂጊያሰ ከቴቶና ኢፃዳ ያሳ ዩላያይ? ²⁴ ጌሻ ማፃፋን፤ «ሂንቴ ጋሶን ያሳ ሱንላይ ኣይሁዴ ጊዶና ኣሳታን ጫዬቲሰ» ጌቴቲዲ ፃፊቲሰ።

²⁵ ኔ ሂጊሰ ከቴቲኮ፤ ኔ ቃፃሬቴላሰ ማዴይ ዴዔሰ፤ ሺን ኔኒ ሂጊያሰ ከቴቶና ኢፃኮ ኔ ቃፃሬቴላይ ቃፃሬቲቦና ማላ ጊዴሰ።
²⁶ ኣይሁዴ ጊዶና ኣሲ ቃፃሬቶና ዴዒሼ፤ ሂጊያሰ ከቴቲኮ፤ ያሳይ ኢያ ቃፃሬቲዳ ማላ ታይቤኔ? ²⁷ ሂንቴ፤ ኣይሁዴ ኣሳቲ፤ ሂንቴው ፃፊቲዳ ሂጊይኔ ቃፃሮይ ዴዒሺን፤ ሂንቴ ሂጊሰ ከቴቶና ኢፃኮ፤ ኣይሁዴ ጊዶና ኣሳይ ቃፃሬቶና ኢፃኮካ ሂጊሰ ከቴቲዲ፤ ሂንቴ ቦላ ፒርዳና። *

²⁸ ሂዛ፤ ሱንላን ኣይሁዴ ጊዲዳ ኡባይ ቱማ ኣይሁዴ ጊዴና። ቃሲ ካሬ ኣሳቴላ ቃፃሮይ ቱማ ቃፃሮ ጊዴና። ²⁹ ሺን ቱማ ኣይሁዴቴሊ ጋላ ባጋን ኣይሁዴ ጊዴይሳ። ቱማ ቃፃሬቴሊ ያሳ ኣያናን ኦሴቲያ ዋዛና ቃፃሬቴላፌ ኣቲን ፃፊቲዳ ሂጊያን ኦሴቲያ ኣሳቴላ ቃፃሮ ጊዴና። ሄ ኡራይ ጋላታ ያሳፌ ኤኬሲፔ ኣቲን ኣሳፔ ጊዴና።

3

ኣይሁዴታ ኣማኖና ኢያ

^{2:24} ኢሳ 52:5 * ^{2:27} ሂንቴ ቦላ ፒርዳና፤ እነታ ሃናታይ ዋይኮ እነታ ከቴቲላይ ሂንቴ ቦላ ፒርዳና። ^{2:29} ዛሬ 30:6

1 ያቲን፡ አይሁዳ ጊደን አይ ዲማቴሊ ዴዒ? ዋይኮ ቃፃሬቴላን አይ ማዴይ ዴዒ? 2 ቱማካ አይሁዳ ጊደይ ዳሮ ኦጌራ ማዴሰ። ኡባፌ ሲንፊ ያሳይ ባ ቃላ ሃዳራ አይሁዳታሰ አሚሰ።

3 ያቲን፡ ኤንታፌ ኢሶቲ ኢሶቲ ቃላ አማኖና ኢዲኮ፡ ኤንታ ኢይይ ያሳ አማኔቴላ ዲጊዬ? 4 ዲጊና! አሳ ኡባይ ዋርዳንቸ ጊዲኮካ ያሳይ ቱማ ጊደ። ጌሻ ማፃፋን፡

«ኔ ቃላን ኔ ዲላሳ፤

ኔና ሞቴይሳ ፒርዳን ላላሳ»

ጌቴቲዲ ፃፌቲሰ።

5 ያቲን፡ ኑ ናጋራይ ያሳይ ዲሎ ጊዴይሳ ቤሲያባ ጊዲኮ፡ ኑ ዋይጋኔ? ያሳይ ኑ ናጋራ ጊሾ ኑ ቦላ ፒርዲኮ፡ ሊኬ ጊዴኔዬ? ሃይሳ ታኒ አሳ ቆፋሶ ጋይሰ። 6 ሄሲ ኡባራካ ሃኔና። ሄሳዳ ሃኒኮ፡ ያሳይ ሃ አላሚያ ቦላ ዋቲ ፒርዳኔ?

7 ሺን ታ ዋርዶቴላይ ያሳ ቱማ ቆንጨሲዲ፡ ኢያ ቦንቹዋ ዳርሲ ቤሲያባ ጊዲኮ፡ ያቲን፡ አይሰ ታ ቦላ ናጋራንቸዳ ፒርዴቲ?

8 ኢሲ ኢሲ አሳይ፡ «ሎፆይ ያና ሜላ ኢታ ኦሶሰ» ያጊዲ ታማርሲያዳ ኦሊዲ ታና ሞቶሶና። ሄሳ ሜላ አሳ ቦላ ያ ያሳ ፒርዳይ ሊኬ።

አሲ ኡባይ ናጋራንቸ

9 ያቲን፡ ኑኒ ዋይጋኔ? ኑ አይሁዴቲ፡ አይሁዳ ጊደናይሳታፔ አፅናዬ? ጊዴና! አይሁዳ ጊዲን፡ አይሁዳ ጊደና ኢዲን ኡባይ ናጋራንቸ ጊዴይሳ ታኒ ካሴታዳ ሂንቴው ኦዳሰ።

10 ጌሻ ማፃፋን፡

«ዲሎ አሲ ኢሶይካ ባዋ።

11 አኬኪያ አሲ ባዋ፡

ያሳ ኮያ ኦኒካ ባዋ።

12 አሳ ኡባይ ያሳሰ ዘኮ ዛሪዶሶና፤

ኡባይ ኢሲፌ ፓሶናባ ጊዲዶሶና።

ሎፆ ኦሊያ ኦኒካ ባዋ፤

ኢሲ አሲካ ባዋ።

13 ኤንታ ዶናፔ ኬያ ቃላይ፡

ዶዬቲዳ ዱፎፔ ኬያ ዲንቆ ሜላ፤

ባንታ ኢንፃርሳን ጨሞሶና።

ኤንታ ዶናፔ አሴ ዋዲያ፡

ሾሻ ማርዜይ ኬዬሰ።

14 ኤንታ ዶናን ጫሞ ኦዳይኔ ባዴሊ ኩሚስ።

15 ኤንቲ ሱሊ ጉሳናው ኤሌሶሶና።

16 ኤንታ ኦጊያን ጳዮይኔ ቆሆይ ዴዔስ።

17 ኤንቲ ሳሮቴላ ኦጊያ ኤሮኮና።

18 ባንታ ዴዑዋን ያሳስ ያዮኮና»

ጌቲቲዲ ፃፊቲስ።

19 እሴ ኡባ ዶና ኦይላናውኔ ኩሚላ አላሚያ ያሳ ፒርዳፌ ጋርሳን ሸሻናው፤ ሂጌይ አሚቲዳይ ሂጌፌ ጋርሳን አቄይሳታስ ጌዴይሳ ኑ ኤሮስ። 20 ሄሳ ጊሾ፤ ኦኒካ ሂጌስ ከቲቲዲ ያሳ ሲንላን ዲላናው ዳንዳዔና። ሂጌይ ኣሲ ኡባይ ናጋራንቸ ጌዴይሳ ቤሴስ።

ዲሎቴሊ አማኖና

21 ሺን ሃዒ ያሳይ ኣሲ ሂጌይ ባይናሺን ዲሊያ ኦጌ ቆንጪሲስ። ሄ ኦጊያ ሙሴ ሂጌይኔ ናቤቲ ማርካቲዶሶና። 22 ሃ ዲሎቴላ፤ ያሳይ ዬሱስ ከሪስቶሳ ባጋራ ኣሳ ኡባስ ሻኮይ ባይና አሚስ።

23 ኣሳ ኡባይ ናጋራ ኦሊዶሶና፤ ያሳይ ኤንታው ኢሚዳ ቦንቹዋፌ ሃኪዲ አቲዶሶና። 24 ሺን ኤንቲ ያሳ ኣጼ ኬሃቴላን፤ ዋዚያ ከሪስቶስ ዬሱሳ ባጋራ ጮ ዲሊዶሶና። 25 ያሳይ ዬሱስ ከሪስቶሳ ያርሾ ኦሊዲ ኢሚዳይ፤ ኢያ አማኒያ ኡባይ ኢያ ሱላን ናጋራ ማርቴሊ ዴማና ሜላሳ። ያሳይ ሄሳ ኦሊዳይ ባ ዳንዳዒን ካሴ ናጋራ ታይቦና ኣጊዲ፤ ባ ዲሎቴላ ቤሳናሳ። 26 ሃዒ ዋዲያን ዬሱሳ አማኒያ ኡባ ዲሊሲዲ፤ ያሳይ ባ ሁዒን ዲሎ ጌዴይሳ ቤሴስ።

27 ያቲን፤ ኑ ጩቄቲያሳይ ኣይቢ ዴዒ? ኣይቢካ ባዋ። ኑኒ ጩቄቲይ ሂጌስ ከቲቲያ ጊሾዬ? ኣካይ! አማኖ ጊሾሳ።

28 ያሳይ ኣሴ ዲሊሴይ አማኖናፔ ኣቲን ሂጌስ ከቲቲላን ጊዶናይሳ ኑ ኣኬኮስ።

29 ዋይኮ ያሳይ ኣይሁዴታ ፃላላ ያሴዬ? ኣይሁዴ ጊዶናይሳታስ ያሴ ጌዴኔዬ? ቱማ፤ ኣይሁዴ ጊዶናይሳታስካ ኢ ያሴ። 30 ያሳይ ኢሶ፤ ኣይሁዴታኔ ኣይሁዴ ጊዶናይሳታ አማኖን ዲሊሴይ ኢያ። 31 ያቲን፤ ኑኒ ሂጊያ አማኖ ጊሾ ሻርስ ጉሴዬ? ጌዴና! ሂጊያ ሚንሶሲፔ ኣቲን።

4

ኣብራሃሚይ አማኖን ዲሊስ

3:14 ማዝ 10:7 3:15 ኢሳ 59:7-8 3:18 ማዝ 36:1 3:20 ማዝ 143:2፤ ጋላ 2:16 3:30 ዛሬ 6:4፤ ጋላ 3:20

1 ያቲን፡ ኑ ማይዛይ አብራሃሜይ አይ ዳሚዴ? 2 አብራሃሜይ ኦሶን ዊሊዳባ ጊዲያኮ፡ ኢ ጩቁቲያባይ ዳዔስ፡ ጊዶሺን፡ ያሳ ሲንላን ጩቁታናው ዳንዳዔና። 3 ጌሻ ማፃፋይ፡ «አብራሃሜይ ያሳ አማኒስ፤ ያሳይ ሄሳ ኢያው ዊሎቴሌ ኦሊዲ ኤኪስ» ያጌስ።

4 ኦሊያ ኡራይ ኤኪያ ዳሞዜይ፡ ኢያ ኦሶ ዋልቃስ ጨጌቲያ ጋቴፍ አቲን ኢያው ኢሞታ ጊዳና። 5 ሺን ኦሶ ኦሶና ኦኒካ ናጋራንቹዋ ዊሊሲያ ያሳ አማኒኮ፡ ኢያ አማኖይ ኢያው ዊሎቴሌ ጊዲዲ ታይቤቴስ። 6 ጌሻ ማፃፋን ዳዊቲይ፡ ኦሶይ ባይና ያሳይ ዊሊሲያ አሳቲ አይ ሜላ አንጃቲዳኮ ሃይሳዳ ያጊዲ ቆንጨሴስ፡

7 «ኤንታ ባላይ አቶ ጌቲቲዳይሳቲኔ

ኤንታ ናጋራይ ካሜቲዳይሳቲ አንጃቲዳይሳታ።

8 ሳዳይ ኢያ ናጋራ ታይቦና አሲ አንጃቲዳይሳ» ያጌስ።

9 ያቲን፡ ዳዊቲይ ኦዲዳ አንጃይ ቃፃሬቲዳ አሳ ፃላላሴዬ? ዋይኮ ቃፃሬቲቦና አሳሴ? ኦኒ፡ «ጌሻ ማፃፋይ፡ «አብራሃሜይ ያሳ አማኒስ፤ ያሳይ ሄሳ ኢያው ዊሎቴሌ ኦሊዲ ኤኪስ» ያጌስ» ጊዳ። 10 ያቲን፡ ሄሲ አዉዴ ሃኒዴ? አብራሃሜይ ቃፃሬቲኔዬ? ዋይኮ ቃፃሬቶና ዳዒሺኔ? ቃፃሬታናፍ ሲንሌ ሃኒሲፍ አቲን ጉዬ ጊዳና።

11 አብራሃሜይ ቃፃሬታናፍ ሲንሌ ኢያ አማኖይ ኢያው ዊሎቴሌ ጊዲዲ ታይቤቲዳይሳ ኤሪሳናው፡ ኢያ ቃፃሮይ ማላታ ጊዲስ። ሄሳ ጊሾ፡ አብራሃሜይ ቃፃሬቶና አማኔይሳታሲኔ አማኖ ዊሊይሳታ ኡባስ አዋ ጊዲስ። 12 ኢ ቃፃሬቲዳይሳታሲካ አዋ። አብራሃሜይ ኤንታው አዋ ጊዲዳይ ኤንቲ ቃፃሬቲዳ ጊሾ ፃላላስ ጊዳናሺን ኢ ቃፃሬታናፍ ሲንሌ አማኒዳ አማኑዋ ኤንቲ ካሊዳ ጊሾሳ።

ያሳ ኡፋይሳይ አማኖን ኤኬቴስ

13 አብራሃሜሲኔ ኢያ ሼሻስ፡ «አላሚያ ታ ሂንቴው ኢማና» ያጊዳ ኡፋይሳይ፡ አብራሃሜይ አማኖን ዊሊዳ ጊሾሳፌ አቲን ሂጌ ናጊዲ ፖሊዳ ጊሾ ጊዳና። 14 ሂጌስ ከቲቲዳይሳቲ ያሳይ አማና ጊዳ ኡፋይሳ ላታኤይሳታ ጊዲኮ፡ አሳ አማኖይ ማዳና፤ ያሳ ኡፋይሳይካ ሃዳ ጊዲስ። 15 ሂጌ ሜንሶይ ያሳ ሃንቆ ኤሄስ፡ ሺን ሂጌይ ባይናሶን ሂጌ ሜንሶይ ባዋ።

16 ሄሳ ጊሾ፡ ያሳይ ኢሚዳ ኡፋይሳይ አማኖን ኤኬቲስ። ሃ ኡፋይሳይ አብራሃሜ ሼሻ ኡባስ ያሳ አጼ ኬሃቴላ ባጋራ ኢሜቲዳይሳ ቆንጨሴስ። ሄሲካ ሂጌ ናጌይሳታ ፃላላስ ጊደናሺን አብራሃሜዳ አማኒዳ ኡባሳ። አብራሃሜይ ኑ ኡባስ አዋ። 17 ጌሻ ማፃፋን፡ «ታ ኔና ዳሮ ካዎቴላታስ አዋ ኦላስ» ጌቲቲዲ አብራሃሜ ጊሾ ፃፊቲስ። ሃ ኡፋይሳይ አብራሃሜስ ኢሜቲዳይ ሃይቂዳይሳታስ ዴዖ ኢሜይሴኔ ኦራላባ ኦሊያ ያሳይ ኢያ ጊዴይሳ ኢ አማኒዳ ጊሾሳ።

18 ያሳይ አብራሃሜስ ዳሮ ዘሬሊ ኢማናይሳ ጫቂስ። ኡፋይሴ አላናው አይኮካ ዳንዳዔቶና ዎዴ አብራሃሜይ ያሳን አማኒዳ ጊሾኔ ኡፋይሴ ኦሊዳ ጊሾ ዳሮ ካዎቴላታስ አዋ ጊዲስ።

19 አብራሃሜስ ፃቱ ላይሊ ኩማና ሃኒኮካ፡ ባ ዳቡሪዳ አሳቴላኔ ሳራ ናዓ ዬላናው ዳንዳዖናይሳ ኤሪሼ ባ አማኑዋን ዳቡሪቤና።

20 ጊደሺን፡ ኢ ባ አማኑዋን ሚኒዲ ያሳስ ቦንቾ ኢሚስፔ አቲን ያሳይ ኢሚዳ ኡፋይሳ አማኖና ኢዲዲ፡ ሲጴቤና። 21 አብራሃሜይ፡ ያሳይ ጫቂዳ ጫቁዋ ፖላናይሳ ባ ኩሜላ ዎዛናን አማኒስ። 22 ሄሳ ጊሾ፡ ያሳይ ኢያ አማኑዋ ዒሎቴላን ታይቢስ።

23 ሺን፡ «ኢያው ዒሎቴላን ታይቢስ» ጊያ ቃላይ አብራሃሜ ፃላላስ ፃፊቲቤና። 24 ሄ ቃላይ ኑ ጎዳ ዬሱሳ ሃይቆፔ ዴንሊዳ ያሳ አማኒያ ኑስካ ኑ አማኖይ ዒሎቴላን ታይቤታና ሜላ ፃፊቲስ። 25 ያሳይ ኢያ ኑ ናጋራ ጊሾ ሃይቆስ አሊዲ ኢሚስ፤ ኢ ኑና ዒሊሳናው ሃይቆፔ ዴንዲስ።

5

ያሳን ዴዒያ ሳርቴላ

1 ሂዛ፡ ኑ አማኖን ዒሊዳ ጊሾ ኑ ጎዳ ዬሱስ ኪሪስቶሳ ባጋራ ያሳራ ኑስ ሳርቴሊ ዴዒስ። 2 ኑኒ ኢያ ባጋራ ሃዒ ኑ ኤቂዳ አጼ ኬሃቴላ ጊዶ አማኖን ጌሊዳ። ሄሳ ጊሾ፡ ኑ ያሳ ቦንቾዋ ሻኬታናው ዴዒያ ኡፋይሳን ጨቁቶስ።

3 ሄሳ ፃላላ ጊደናሺን ሜቶይ ዳንዳዓ ኤሄይሳ ኑ ኤሪያ ጊሾ ኑ ሜቱዋንካ ጨቁቶስ። 4 ቃሲ ዳንዳዓይ ጌንጫ፡ ጌንጫይ ኡፋይሴ ኢሜይሳ ኑ ኤሮስ። 5 ኑስ ኢሚዳ ጌሻ አያና ባጋራ ያሳይ ባ ሲቁዋ ኑ ዎዛናን ጉሲዳ ጊሾ ሄ ኡፋይሳይ ኑና ዬላዬና።

6 ኑረ ቡሮ ዳቡራንቸታ ገዲዲ ዴሲሽን፣ ያሳ ዋዴይ ጋኪን፣ ኪሪስቶሲ ናጋራንቸታ ገሾ ሃይቁስ። 7 ያሎ አሳ ገሾ ሃይቃና አሲ ዴማናይሲ ዳሮ ሜቶ፣ ሽን ኬሃ አሳ ገሾ ሃይቃና አሲ ኦኒ ኤሪ ቤንቶና አጌና። 8 ሽን ኑረ ቡሮ ናጋራንቸ ገዲዲ ዴሲሽን፣ ኪሪስቶሲ ኑ ገሾ ሃይቁስ። ሄሲ ያሳይ ኑና አይ ሜላ ሲቁያኮ ኢያ ሲቁዋ ቤሴስ። 9 ሂዛ፣ ኑረ ኪሪስቶሳ ሱፋን ያሊዳሳ ገዲኮ፣ ኡባፌ አሊዲ ኢያ ባጋራ ያሳ ሃንቁዋፌ አታና። 10 ኑረ ያሳራ ካሴ ሞርኬ፣ ሽን ኢያ ናሳ ሃይቁዋን ኢያራ ሲጌቲዳ። ሄሳፌ አሊዲ፣ ሃሳ ኑረ ያሳራ ሲጌቲዳ፤ ጉዬ ኢያ ናሳ ዴዑዋ ጋሶን ኑረ አታና። 11 ሄሳ ዓላላ ገደናሽን ሃሳ ኑና ያሳራ ሲጌሊዳ ኑ ጎዳ ዬሱስ ኪሪስቶሳ ባጋራ ኑ ያሳን ጨቁቶስ።

አዳሜኔ ኪሪስቶሳ

12 አዳሜ ባጋራ ናጋሪ ሃ አላሚያ ጌሊስ። ሄ ናጋራ ባጋራ ሃይቆይ ዬስ። አሲ ኡባይ ናጋራ ኦሊዳ ገሾ ሃይቆይ አሳ ዛሪ ኡባ ጋኪስ። 13 ሂጌይ ኢሜታና፤ ሲንፔ አላሜን ናጋሪ ዴዒስ፣ ሽን ሂጌይ ባይና ዋዴ ናጋሪ ናጋራ ገዲዲ ታይቤቲና። 14 ሽን አዳሜ፤ ሙሴ ጋካናው ሃይቆይ አሳ ኡባ ሃሪስ። ሃሪ አቶሽን፣ አዳሜዳ ሂጌስ ኪቴቶና ኢዲዳ፣ ናጋራ ኦሊቦናይሳታ ቦላካ ሃይቆይ ካዋቲስ።

አዳሜይ ያና ዬሱሳስ ሌሚሶ። 15 ሽን ያሳ አቶ ኬሃቴላይ አዳሜ ናጋራ ሜላ ገዴና። ኢሲ አሳ ናጋራ ባጋራ ዳሮ አሳይ ሃይቁስ። ሽን ዬሱስ ኪሪስቶሳ ባጋራ ያሳ አቶ ኬሃቴላይ አሳ ኡባስ ዳሪዲ ኢሜቲስ። 16 አዳሜ ናጋራ ገደኒኔ ያሳ ኢሞታ ገደን ዳሮ ዴማቴሊ ዴዒስ። ኢሲ አሳ ናጋራ ጋሶን ያሳይ ኢያ ቦላ ፒርዲስ። ሽን አሳይ ዳሮ ናጋራ ኦሊንካ ያሳ አቶ ኬሃቴላይ ያሎቴላ ኤሂስ። 17 ኢሲ አሳ ናጋራ ጋሶን ሃይቆይ አሳ ኡባ ቦላ ካዋቲስ። ሽን ዬሱስ ኪሪስቶሳ ባጋራ ያሳ አቶ ኬሃቴላይ ያሎቴላ ኢሞታ ኤኪያ ኡባይ፣ ያኖ ዴዎን ዴዎሶና።

18 ሂዛ፣ ኢሲ አሲ ናጋራ ኦሊዳ ጋሶን አሳ ኡባ ቦላ ፒርዲ ዬዳይሳዳ ኢሲ አሲ ያሎ ኦሊዳ ጋሶን፣ ያሳይ አሴ ኡባ ያሊሲዲ ኤንታው ዴዎ ኢሜስ። 19 ኢሲ አሲ ኪቴቶና ኢዲዳ ጋሶን፣ ዳሮ አሳይ ናጋራንቸ ገዲዲዳይሳዳ ኢሲ አሳ ኪቴቲላን ዳሮ አሳይ ያላና።

20 አሳይ ናጋራ ዋልቃ ኤራና ሜላ ሂጌይ ዬስ፣ ሽን ናጋራ ዋልቃይ ዳሪዳ ዋዴ ያሳ አቶ ኬሃቴላይ አዲዲ ዳሪስ። 21 ናጋሪ ሃይቆ ዋልቃን ካዋቲዳይሳ ሜላ ያሳ አቶ ኬሃቴላይ ያሎቴላ

ዋልቃን ካዎቲዲ፥ ኑ ጎዳ ዩሱስ ከሪስቶስ ባጋራ ኑና ሜሪና ዴዑዋኮ ካሌሴስ።

6

ናጋራስ ሃይቂዲ ከሪስቶስን ዴያ

¹ ያቲን፥ ኑኒ ዋይጋኔ? ያሳ አቋ ኬሃቴላይ ዳራና ሜላ ናጋራን ሚኒዲ ዴዒኖ? ² አካይ፥ ኑኒ ናጋራስ ሃይቂዲ ቢዲኮ፥ ያቲን፥ ኑኒ ሂዛፔ ዋኒዲ ናጋራን ዳኔ? ³ ኑ ኡባይ ከሪስቶስ ዩሱሳራ ኢሲፋናው ፃማቂቲዳ ዋዴ ኢያ ሃይቂዋን ኢያራ ኢሲፋናው ፃማቂቲዳይሳ ኤሬኬቲዬ? ⁴ ኑ ፃማቂቲዳ ዋዴ ከሪስቶሳራ ሃይቂዳኔ ሞጌቲዳ። ከሪስቶሲ ያሳ አዋ ቦንሻ ዋልቃን ሃይቆፔ ዴንዲዳይሳ ሜላ ኑካ ኦራሳ ዴያን ዳና።

⁵ ኑ ኢያ ሃይቂዋን ኢያራ ኢሲኖ ጊዲኮ፥ ሄሳዳካ፥ ኢያ ዴንዲዋን ኢያራ ኢሲኖ ጊዳና። ⁶ ኑ ሂዛፔ ናጋራስ አይሌ ጊዶና ሜላኔ ኑ ናጋራንሻ አሳቴላ ዋልቃይ ቆያና ሜላ ኑ ጨማ አሳቴላይ ከሪስቶሳራ ካቂቲዳይሳ ኤርስ። ⁷ ኢሲ አሲ ከሪስቶስን ሃይቂዳባ ጊዲኮ፥ ኢ ናጋራ ዋልቃፌ ላዓ ኬዩስ። ⁸ ኑኒ ከሪስቶሳራ ሃይቂኮ፥ ኢያራ ዴያን ዳናይሳ አማኖስ። ⁹ ከሪስቶሲ ሃይቆፔ ዴንዲዳ ጊሾ ዛሪ ኢ ሃይቆናይሳኔ ሃይቆይ ሲንሳፌ ኢያ ሃርናይሳ ኑ ኤርስ። ¹⁰ ኢ ሃይቂዳ ዋዴ ናጋራስ ኢሲ ቶሆ ዉርሴሴ ጋካናው ሃይቂስ፥ ሺን ሃዒ ዴያን ያሳስ ዴዒስ። ¹¹ ሄሳዳካ፥ ሂንቴ ናጋራስ ሃይቂዲ፥ ጎዳ ከሪስቶስ ዩሱሳ ባጋራ ያሳስ ዴያን ዴዒይሳ ቆፒቲ።

¹² ሄሳ ጊሾ፥ ሂንቴ፥ ሂንቴ አሳቴላ አውዋስ ከቲቶና ሜላ ሃይቂያ ሂንቴ አሳቴላ ናጋሪ ሃርፖ። ¹³ ቃሲ ሂንቴ አሳቴላ ናጋራ ኦላናው ጌላቴላ ሚሼ ኦሊዲ አሞፊቲ። ሺን ሂንቴ ሃይቆፔ ዴንዲዲ፥ ዴያን ዴዒያ አሳዳ ሂንቴ አሳቴላ ያሳስ አሚቲ። ቃሲ ሂንቴ ኩሜላ አሳቴላ ዒሎ ኦሪ ኦላናው ያሳስ አሊ አሚቲ። ¹⁴ ሂንቴ ያሳ አቋ ኬሃቴላ ጋርሳን ዴዒታፔ አቲን ሂንፌ ጋርሳን ዴያና ጊሾ ናጋሪ ሂንቴና ሃራናው ቤሴና።

ዒሎቴላ አይሌ

¹⁵ ያቲን፥ ኑ ዋይጋኔ? ሂንፌ ጋርሳን ጊዳናሺን ያሳ አቋ ኬሃቴላ ጋርሳን ዴዒያ ጊሾ ናጋራ ኦላኔዬ? አካይ! ¹⁶ ሂንቴ ኢሲ አሳስ ከቲታናው ሂንቴና አይሌ ኦሊዲ አሚያ ዋዴ ሄ ሂንቴ ከቲቲይሳስ አይሌ ጊዴይሳ ኤሬታ። ሄሳዳካ፥ ሂንቴ ናጋራስ ከቲቲኮ፥ ሂንቴው ሃይቆ ኤሂያ ናጋራስ አይሌ ጊዳታ። ዋይኮ ሂንቴ

የሳሰ ከቴቲኮ ደሎቴሊ ኤሂያ የሳሰ አይሌ ገዴታ። 17 ካሴ ሂንቴ ናጋራስ አይሌ፤ ሺን ሃዒ ሂንቴ ኤኪዳ ቱማ ቲሚርቲያስ ኩሜላ ዋዛናፔ ከቴቲዳ ገሾ የሳሰ ጋላቲ ገዴ። 18 ሂንቴ ናጋራ አይሌቴላ ቃሾፔ ቢሌቲዲ ደሎቴላ አይሌ ገዴዴታ።

19 ሂንቴ ሂንቴ ቆፋን ዳቡራንቾ ገዴያ ገሾ ታኒ ኦዴሰካ ጌሊያ ኦጌን ኦዴይሰ። ካሴ ሂንቴ፤ ሂንቴ አሳቴላ ቱናኔ ኢታባ ኦላናው አይሌ ኦሊዲ አሚዳይሳ ሜላ ሃዒ ሂንቴ አሳቴላ ጌሺ ገዴና ሜላ ደሎቴላ አይሌ ኦሊዲ አሚቴ።

20 ሂንቴ ናጋራስ አይሌቴዲ ዴዒያ ዋዴ ደሎቴላስ ሃራቴኬታ። 21 ሂንቴና ሃዒ ዬላያ ቤኒ ሂንቴ ኢታ ኦሱዋፔ አይ ማዴ ዴሚዴቲ? ሄ ኦሱታ ወርሴላይ ሃይቆ። 22 ሺን ሂንቴ ናጋራ አይሌቴላ ቃሾፔ ቢሌቲዲ፤ የሳሰ አይሌ ገዴዴታ። ሄሲ ሂንቴና ጌሺ ኦሊዲ ሜሪና ዴዑዋኮ ካሌሌስ። 23 ናጋራ ጋቲይ ሃይቆ። ሺን የሳይ፤ ኑ ጎዳ ከሪሰቶስ ዬሱሳ ባጋራ አሚያ አሞታይ ሜሪና ዴዖ።

7

ኤኮ ጌሎ ለሚሶ

1 ታ አሻቶ፤ ታኒ ኦዴይ ሂጌ ኤሪያ አሳታሳ። ሂጌይ ኢሲ አሲ ፓፃ ዴዒያ ዋዴ ኡባን ኢያ ሃራስ። 2 ለሚሶስ፤ አዚና ጌሊዳ ማጫሲያ ኢ አዚናይ ፓፃ ዴዒያ ዋዴ ሂጌን ኢያራ ቃሼታሱ። ሺን ኢ አዚናይ ሃይቂኮ ኢያራ ኢያ ጫቂዳ ጫቆይ ኢዮ ሃራና። 3 ሄሳ ገሾ፤ ኢያ ባ አዚናይ ፓፃ ዴዒሺን፤ ሃራ አዴ ጌሊኮ፤ ኢያ ላሚዳር ጌቲታዉሱ። ሺን ኢ አዚናይ ሃይቂኮ፤ ጫቆይ ኢዮ ሃርና ገሾ ኢያ ሃራ አዚና ጌሊኮ፤ ኢያ ላሚዳር ጌቲቲኩ።

4 ሄሳ ገሾ፤ ታ አሻቶ፤ ሂንቴ ከሪሰቶሳ አሳቴላ ባጋራ ሂጌ ዋልቃስ ሃይቂዲ፤ የሳሰ አይፌ አይፋናው ሃይቆፔ ዴንዲዳ ከሪሰቶሳስ ገዴዴታ። 5 ኑ አሾ አሞይ ኑና ዴሪን፤ ኑ ዴዒያ ዋዴ ሂጌይ ጉጂ ናጋራ ኦላና ሜላ ኑና ዴንጫሌስ። ኑ አሳቴላ ገዴን ኢታ አሞቴሊ ዴዒያ ገሾ ኑኒ ሃይቆ አይፌ አይፋና ሜላ ኦሊስ። 6 ሺን ሃዒ ኑኒ ኑና ቃቺዳ ሂጌያስ ሃይቂዳ ገሾ ኑኒ ሂጌ ቃሾፔ ቢሌቲዳ። ሄሳ ገሾ፤ ጌሻ አያና ኦጌን የሳሰ ከቴቶሲፔ ኦቲን ፃፊቲዳ ጨማ ሂጌያስ ከቴቶኩ።

ሂጌኔ ናጋራ

7 ያቲን፡ ኮኒ ወይጋኔ? ሂጌይ ባ ሁዔን ናጋሬ? ጌዴና! ሺን ሂጌይ ናጋሬ ኣይቤኮ ታና ኤሪሲስ። ሂጌይ፡ «ኣሞቶፋ» ጎናኮ፡ ኣሞቴሉ ኣይቤኮ ታኒ ኤሪኬ። 8 ሺን ታ ኡባባ ኣሞታና ሜላ ናጋሬ ሂጌ ባጋራ ታናን ኦጌ ዴሚስ። ሂጌይ ባይኔኮ ናጋሬ ሃይቂዳይሳ።

9 ካሴ ሂጌይ ባይና ወዴ ታ ፓፃ፡ ሺን ሂጌይ ኣሜቲዳ ወዴ ናጋሬ ፓዲን ታ ቃሲ ሃይቃስ። 10 ታኒ ዴዎን ዴና ሜላ ያሳይ ኣሚዳ ሂጌይ ታው ሃይቆ ኤሂስ። 11 ናጋሬ ሂጌ ባጋራ ታና ጨሚያ ኦጌ ዴሚዲ፡ ወዳስ።

12 ሄሳ ጊሾ፡ ሂጌይ ጌሺ፤ ኢያን ፃፊቲዳ ኪታይካ ጌሺ፡ ዒሎኔ ሎዎ።

13 ያቲን፡ ሎዎ ጊዲዳባይ ታ ቦላ ሃይቆ ኤሂዴዬ? ጌዴና! ሺን ናጋሬ ናጋራ ጌዴይሲ ቆንጫና ሜላ ሎዎባን ማዳቲዲ ታው ሃይቆ ኤሂስ። ሄሳ ጊሾ፡ ናጋራ ናጋራቴላይ ሂጌ ባጋራ ኣዲዲ ኤሬቲስ።

14 ኮኒ ሂጌይ ኣያናባ ጌዴይሳ ኤርስ። ሺን ታኒ ናጋራስ ባይዘቲዳ ኣሾ ኣሲ። 15 ታኒ ኦሊያባ ኣኬኪኬ፤ ታኒ ዶሲያባ ኦላናይሳ ኣጋዳ ታ ኢዲያባ ኦላይስ። 16 ታኒ ኢዲያባ ኦሊያባ ጌዲኮ፡ ሂጌይ ሎዎ ጌዴይሳ ማዓይስ። 17 ሄሳ ጌዲኮ፡ ሄ ኦሱዋ ታናን ዴዒያ ናጋራይ ኦላይሲፔ ኣቲን ታ ኦሊኬ።

18 ታናን፡ ሄሲካ ታ ኣሹዋን ሎዎባይ ባይናይሳ ኤራይስ። ሎዎባ ኦሊያ ኣሞቴሉ ታናን ዴዒስ፡ ሺን ሎዎባ ኦላናው ዳንዳዒኬ። 19 ታኒ ኢዲያ ኢታባ ኦላይሲፔ ኣቲን ታ ዶሲያ ሎዎባ ኦሊኬ። 20 ታኒ ኢዲያባ ኦሊያባ ጌዲኮ፡ ሄሳ ታናን ዴዒያ ናጋራይ ኦሊሲፔ ኣቲን ኦሊይ ታና ጌዲኬ።

21 ሂዛ፡ ታ ሎዎባ ኦላናው ዶሲሺን፡ ኢታባ ኦሶይ ወጋ ጌዴይሳ ዴማስ። 22 ታኒ ታ ወዛናን ያሳ ሂጌያን ኡፋይታይስ። 23 ሺን ታ ኣሳቴላ ጌዶን ዴዒያ ታ ቆፋ ሂጌያራ ኦሊቴያ ዲማ ሂጌ ቤዓይስ። ሄ ሂጌይ ታ ኣሳቴላ ጌዶን ኦሊያ ናጋራ ሂጌያስ ታና ኣይሌ ኦሊዲ ኣሚስ። 24 ታኒ ዋኒዳ ዪባታ ኣሴ? ሃይቆስ ኤፊያ ሃ ኣሳቴላፊ ታና ኣሻናይ ኦኔ? 25 ኦ ጎዳ ዬሱስ ኪሪስቶሳ ባጋራ ታና ኣሺያ ያሳስ ጋላቲ ጌዶ።

ሂዛ፡ ታኒ ታ ቆፋን ያሳ ሂጌያስ ሃሬታይስ፤ ሺን ታ ኣሳቴላን ታና ናጋራ ኦሲሲያ ሂጌያስ ሃሬታይስ።

8

ጌሻ እያናን ዴዖ

¹ ሄሳ ጊሾ፡ ከሪስቶስ ዬሱሳን ዴዔይሳቲ ሃዒ ፒርዴቶኮና።
² ከሪስቶስ ዬሱሳ ሻጋራ ኑስ ዴዖ ኢሚያ ጌሻ እያና ሂጌይ፡ ታና ናጋራኔ ሃይቆ ሂጌ ኣይሌቴላፌ ኬሲስ።³ ኑ ናጋራ ኣሳቴላ ጋሶን፡ ሂጌይ ዳቡራንቸ ጊዲያ ጊሾ ኑና ኣሻናው ዳንዳዒቤና። ያሳይ ባ ናዓ ናጋራንቸ ኣሳ ለሚሶን ናጋራስ ያርሾ ጊዳና ሜላ ከቲዲ ሄሳ ኦሊስ። ያቲዲ፡ ያሳይ ከሪስቶሳ ኣሹዋ ሻጋራ ናጋራ፡ ናጋራንቸ ኣሳ ጊዳን ፒርዲስ።⁴ ያሳይ ሄሳ ኦሊዲይ፡ ኑ ኣሾ ኣሞይ ኮዬይሳዳ ጊዳናሺን ጌሻ እያናይ ኮዬይሳዳ ዴዒያ ኑ ቦላ ሂጊያ ዒሎ ከታይ ፖሌታና ሜላሳ።

⁵ ባንታ ኣሾ ኣሙዋ ካሊዲ ዴዔይሳቲ ባንታና ኡፋይሲያባ ቆፖሶና። ሺን ጌሻ እያና ሺኔን ዴዔይሳቲ ጌሻ እያና ኡፋይሲያባ ቆፖሶና።⁶ ኑ ቆፋይ ኣሾ ኣሞስ ሃሬቲኮ ሃይቆ ኤሄስ፡ ሺን እያና ኣሞስ ሃሬቲኮ ዴዖኔ ሳርቴሊ ኤሄስ።⁷ ኣሾ ኣሞስ ሃሬቲያ ኣሲ ያሳ ሂጊያስ ከቲታናው ኮዮና ጊሾኔ ከቲታናው ዳንዳዖና ጊሾ ያሳራ ሞርኬ።⁸ ባንታ ኣሾ ኣሙዋስ ሃሬቲይሳቲ ያሳ ኡፋይሳናው ዳንዳዖኮና።

⁹ ሺን ያሳ እያናይ ሂንቴናን ዴዒኮኔ ሂንቴና ሃሪኮ፡ ሂንቴ እያና ሺኔን ዴዔታፔ ኣቲን ሂንቴ ኣሾ ኣሙዋስ ሃሬቲኬታ። ከሪስቶሳ እያናይ ባይና ኦኒካ ከሪስቶሳባ ጊዳና።¹⁰ ሺን ከሪስቶሲ ሂንቴናን ዴዒኮ፡ ሂንቴ ኣሳቴላይ ናጋራ ጋሶን ሃይቁዳይሳ። ሺን ሂንቴ እያናይ ዒሎቴላ ጋሶን ዴዖን ዴዒስ።¹¹ ሺን ዬሱሳ ሃይቆፔ ዴንሊዳ ያሳ እያናይ ሂንቴናን ዴዒኮ፡ ከሪስቶሳ ሃይቆፔ ዴንሊዳ ያሳይ፡ ሂንቴናን ዴዒያ ባ ጌሻ እያናን ሃይቁያ ሂንቴ ኣሳቴላስ ዴዖ ኢማና።

¹² ሂዛ፡ ታ ኢሻቶ፡ ኑኒ ኑ ኣሾ ኣሙዋ ካሊዲ ዳናው ቤሴና።
¹³ ሂንቴ፡ ሂንቴ ኣሾ ኣሙዋስ ዴዒኮ ሃይቃና፡ ሺን ጌሻ እያና ዋልቃን ናጋራ ኦሱዋ ዋፂኮ ሂንቴ ዴዖን ዳና።¹⁴ ያሳ እያናይ ካሌሊያ ኡባይ ያሳ ናይታ።¹⁵ ኑኒ፡ «ኣባ፡ ታ ኣዋው» ያጊዲ ያጊያ፡ ያሳ ናይታ ኦሊያ ጌሻ እያና ኤኪዳፔ ኣቲን ዛሪዲ ያሻን ዳናው ኣይሌ ኦሊያ እያና ኤኪቦኮ።¹⁶ ያሳ እያናይ ኑ እያናራ ጊዲዲ ኑኒ ያሳ ናይታ ጊዴይሳ ማርካቴስ።¹⁷ ኑኒ ኢያ ናይታ ጊዲኮ ያሳ ኣንጂዋ ላታና፤ ከሪስቶሳራ ዋላ ሄ ኣንጂዋ ላታና።

ቃሲ ኑኒ ከሪስቶሳራ ሜቱዋ ኤኪኮ ኢያራ ዋላ ኢያ ቦንቹዋን ሻኬታና።

ያና ቦንቹዋ

18 ኑኒ ሃዒ ዋዬቲያ ዋያ፡ ሲንሳፌ ኑስ ቆንጫና ቦንቹዋራ ጋሊ ቤዒኮ፡ ጊኒሳናው ዳንዳዔቴና ጋዳ ቆፓይሰ። 19 ሜዴቴላ ኡባይ ያሳ ናይታ ቆንጩላ ዳሮ ላሞቲዲ ናጎሶና። 20 ሜዴቴላ ኡባይ ሃዳ ጊዲሰ፤ ሄሲካ፡ ሜዴቴላ ዶሮን ጊዶናሺን ኡፋይሳን ናጋና ሜላ ኦሊዳ ያሳ ሼኔን ሃኒሰ። 21 ሜዴቴላይ ባ ሁዔን ጳዮ ኣይሌቴላፌ ዋዜቲዲ፡ ያሳ ናይታራ ዋላ ቦንቹ ላዓ ሻኬታና። 22 ሜዴቴላይ ኢሲፌ ሃኖ ጋካናው ሚፆይ ኦይኪዳ ማጫሳዳ ኦሌኒኔ ኡንዓን ዴዔይሳ ኑ ኤሮስ። 23 ቃሲ ሄሳ ሜዴቴላ ፃላላ ጊዶናሺን ጌሻ ኣያና ባይራ ኢሞታዳ ኤኪዳ ኑኒ፡ ኑ ሁዔን ኑ ኣሳቴላስ ዋዘ ጊዲዳ ያሳ ናይታ ጊዶና ኡፋይሳ ናጊሼ ኑ ኣሳቴላን ኦሎስ። 24 ሃ ኡፋይሳን ኑኒ ኣቲዳ። ሺን ኑኒ ኡፋይሲ ኦሊያባይ ቤንቲያ ጊዲኮ ሄሳ ኦኒ ኡፋይሲ ኦሊ? 25 ሺን ኑ ቤዖናባ ዴማና ጊዲ ኡፋይሳን ናጊኮ ሄሳ ዳንዳዓን ናጎሰ።

26 ሄሳዳ ጌሻ ኣያናይ ኑ ዳቡራን ማዴስ። ኑኒ ያሳ ዋቲ ዋሳናው ቤሲያኮ ኤሮኮ፡ ሺን ጌሻ ኣያናይ ባ ሁዔን፡ ኣሲ ኦዳናው ዳንዳዔቶና ቃላን ኑስ ጋናቴስ። 27 ቃሲ ኣሳ ዋዛና ኤሪያ ያሳይ ጌሻ ኣያና ቆፋይ ኣይቤኮ ኤሬስ። ጌሻ ኣያናይ ያሳ ሼኒያዳ ጌሻታስ ጋናቴስ።

28 ያሳ ሲቄይሳታሲኔ ኢያ ሼኒያዳ ፃጌቲዳይሳታስ ያሳይ ኡባ ሎዖስ ኦሊይሳ ኤሮስ። 29 ያሳይ ኮይሮቲዲ ኤሪዳይሳቲ ባ ናዓ ዳናና ሜላኔ ናዓይካ ኣማኔይሳታ ጊዶን ባይራ ጊዶና ሜላ ኡንታ ዲማዪዲ ዋሊስ። 30 ያሳይ ኮይሮቲዲ ዲማዪዳይሳታ ፃጊሰ፤ ሄ ፃጊዳይሳታ ፃሊሲሰ፤ ሄ ፃሊሲዳይሳታ ቃሲ ቦንቹስ።

ያሳ ሲቁዋ

31 ያቲን፡ ኑ ሃ ኡባስ ዋይጋኔ? ያሳይ ኑ ባጋ ጊዲኮ ኑራ ኦኔ ኤቁታናይ? 32 ኢ ሃሪ ኣቶሺን፡ ባ ናዓስ ቃዴቶናሺን፡ ኑ ጊሾ ኣሊ ኢሚስ። ያቲን፡ ባ ናዓ ኑስ ኣሊ ኢሚዳይሲ ዋኒዲ ኡባባ ጮ ኢሜኔ?

33 ያሳይ ኡንታና ፃሊሲዳ ጊሾ ኢ ዶሪዳይሳታ ኦኔ ሞታናይ?
34 ያቲን፡ ኡንታ ቦላ ፒርዳናው ዳንዳዔይ ኦኔ? ኦኒካ ባዋ።

ሃይቆፔ ዴንዲዲ ያሳ ኡሻቻን ኡቲዳ፥ ኪሪስቶስ ዩሱሲ፥ ኢ ኑስ ጋናቲስ።

35 ሂዛ፥ ኑና ኪሪስቶስ ሲቁዋፔ ሻካናይ ኦኔ? ዋዬዬ ዋይኮ ሜቶዬ ዋይኮ ጎዴዬ ዋይኮ ኮሼዬ ዋይኮ ካሎቴሌዬ ዋይኮ ያሼዬ ዋይኮ ኦሌዬ? 36 ጌሻ ማፃፋን፡

«ኑኒ ኔ ጌሻ ጋላሳ ኩሜላ ሃይቆስ፤

ሹካስ ኤፊያ ዶርሳዳ ታይቤቲዳ»

ጌቲቲዲ ፃፊቲዳይሳ ሜላ ጌዲስ።

37 ሺን ኑኒ፥ ኑና ሲቁዳ ኪሪስቶስን ሃ ኡባ ፖሎ ያኖስ።

38 ሄሳ ጌሹ፡ ሃይቆ ጌዲን ዴዖ ጌዲን ኪታንቸታ ጌዲን ሃሬይሳታ ጌዲን ሃሲ ዴዔይሳ ጌዲን ሲንፃፌ ያናይሳ ጌዲን ዋልቃማታ ጌዲን፥ 39 ሳሎ ዋልቃ ጌዲን ሳዓ ዋልቃ ጌዲን ኣይ ሜጴቲሊ ጌዲን ኑ ጎዳ፥ ኪሪስቶስ ዩሱሳን ዴዒያ ያሳ ሲቁዋፔ ኑና ሻካናው ዳንዳዖናይሳ ታኒ ኤራስ።

9

ኢስራዔሌታ ዶሬቲላ

1 ታኒ ኪሪስቶስን ቱማ ኦዳይስ፥ ዋርዶቲኬ። ጌሻ ኣያናይ ካለሊያ ታ ካሃይ ታኒ ዋርዶቶናይሳ ታው ማርካቲስ። 2 ታ ዋዛናን ኢስራዔሌታስ ዳሮ ቃጴታይሲኔ ቃማ ጋላስ ቆፓይስ። 3 ታኒ፥ ታ ኢሻታ ጌሹ ኪሪስቶሳፔ ሻኬታዳ ያሳ ቃንጌላፌ ጋርሳን ዴዒዳኮ ደሳይሲሺን። 4 ኤንቲ ኢስራዔሌታ፥ ያሳይ ኤንታ ባ ናይታ ኦሊስ፥ ባ ቦንቹዋ ኤንታው ቆንጨሲስ። ኤንታራ ጫቂስ፤ ሂጊያ ኤንታው ኢሚስ። ኤንቲ ያሳ ጎይናና ቱማ ኦጊያ ቤሲስ፤ ያሳይ ኡፋይሳ ቃላ ኤንታው ኢሚስ። 5 ኤንቲ ዩሌቴላን ማይዛታ ዛሬ፤ ቃሲ ኪሪስቶሲ ኢሻን ኤንታ ዛሬ ጌዲዲ ዩስ። ኡባፌ ቦላ ጌዲዳ ያሳይ ሜሪናው ጋላቲቶ። ኣሚንዒ!

6 ጌዶሺን፥ ያሳይ ጌሊዳ ቃላይ ፖሌቶና ኣቲስ ጉሱ ጌዴና። ኢስራዔሌ ኣሳ ኡባይ ያሳ ኣሲ ጌዶኮና። 7 ቃሲ ኣብራሃሜ ዛሬ ኡባይ ኣብራሃሜ ናይታ ጌዶኮና። ያሳይ ኣብራሃሜስ፥ «ኔ ዜሬላይ ዩሳቃ ባጋራ ቄጌታና» ያጌስ። 8 ሄሳ ጉሳይ ኢሻን ዩሌቲዳ ናይቲ ኡባይ ያሳ ናይታ ጌዶኮና። ሺን ቱማ ኢስራዔሌ ናይቲ ያሳይ ኣብራሃሜስ ጌሊዳ ቃላዳ ዩሌቲዳ ናይታ። 9 ያሳይ ኢማና ጌዲ ጌሊዳ ቃላይ፥ «ታኒ ዋንቶ ላይሊ ሃኖዴ ያና፤ ሳራካ ኣዴ ናዓ ዩላና» ያጌይሳ።

10 ሄሳ ፃላላ ጊደናሺን ኢርቢቂኔ ዪሳቂ ዬሊዳ ሜንቴ ኣዴ ናይታባ ኣኬኪቲ። 11 ኤንቲ ዬሊታናፔ ወይኮ ኢታ ወይኮ ሎዖ ኦፋናፔ ሲንፊ ያሳ ደርይ ኦሶን ጊደናሺን ፃሳን ጊዳይሳ ቆንጪሳናው። 12 «ባይራይ ካሉዋሰ ኪቲታና» ያጊዲ ጎዳይ ኢርቢቃሰ ኦዲሰ። 13 ሄሲካ ጌሻ ማፃፋን፡ «ያይቆባ ደሳሰ፡ ኤሳዌ ኢፃሰ» ጌቲቲዲ ፃፊቲሰ።

14 ያቲን፡ ኑኒ ወይጋኔ? ያሳይ ኣሴ ኣሳፔ ሻኪዬ? ጊዴና። 15 ጎዳይ ሙሴኮ፡

«ታ ማራናው ኮዪዳይሳታ ማራና፤

ታ ቃዴታናው ኮዪዳይሳታሰ ቃዴታና» ያጊሰ። 16 ሂዛ፡ ያሳ ደርይ ኣሳ ሼኔን ወይኮ ኦሶን ጊደናሺን ኢያ ማሮቱፋና።

17 ጌሻ ማፃፋን፡ ጊብፄ ካዉዋኮ፡ «ታኒ፡ ታ ዋልቃ ኔናን ቤሳናዉኔ ታ ሱንፋይ ኣላሜ ኡባን ኤሬታና ሜላ ሄሳሰ ኔና ካዋሳሰ» ጌቲቲዲ ፃፊቲሰ። 18 ሂዛ፡ ያሳይ ማራናው ኮዪዳይሳ ዋዛና ሙሚሳናው ኮዪዳይሳ ዋዛና ሙሚሴሰ።

ያሳ ሃንቁዋኔ ማሮቱፋ

19 ሂንቴፊ ኢሶይ፡ «ያቲን፡ ያሳይ ኣሴ ኢታ ኦሶ ጊሾ ኣይሰ ቦሪ? ያሳ ሼኒያ ኢፃሰ ጋናይ ኦኔ?» ያጊዲ ኦይቻናው ዳንዳዔሰ።

20 ሺን ታ ኢሻው፡ ያሳራ ፓላማናው ኔኒ ኦኔ? ኡርቃፊ ሜዴቲዳ ሚሼይ ባና ሜዲዳይሳ፡ «ታና ሃይሳዳ ኦፋዳ ኣይሰ ሜዳዲ?» ጊዲ ኦይቻናው ዳንዳዲ? 21 ወይኮ ኡርቃ ሜዴይሲ ኢሲ ኡርቃፊ ኢሱዋ ቦንቾ ሚሼ፡ ሃንኩዋ ቃሲ ቶሼ ሚሼ ኦሊዲ ሜዳናው ማቲ ባዌ?

22 ያሳይ ባ ሃንቁዋ ቤሳናዉኔ ባ ዋልቃ ኤሪሳናው ኮዪዲ፡ ፒርዳሰ ጊጊዳ ሃንቆ ናይታ ዳሮ ጌንጫን ዳንዳዲዳኮ ኔ ኣይ ኤራይ? 23 ሄሳ ኢ ኦሊዳይ ኮይርቲዲ ቦንቾሰ ጊጊሲዳ፡ ባ ደሪዳ ናይታሰ ባ ቦንቹዋ ቆንጪሳናሳ። 24 ኣይሁዴ ጊዲን፡ ወይኮ ኣይሁዴ ጊደና ኣሳ ኡባይ ያሳን ደሬቲዳ።

25 ናቢያ ሆሴዔ ማፃፋን፡

«ታ ኣሴ ጊደናይሳታ፡ «ታ ኣሴ» ጋዳ ፂጋና።

ታ ሲቃቦና ዴሪያ፡ «ሲቁቲዳይሳታ» ጋዳ ፂጋና።

26 ኤንቲ፡ «ታ ኣሴ ጊዳኬታ» ጌቲቲ ፂጌቲዳ ቤሳን፡

«ዴዖ ያሳ ናይታ» ጌቲቲዲ ፂጌታና» ያጊሰ።

27 ናቢያ ኢሳያሲ ኢሰራዔል ኣሳባ፡

«ኢስራዔል አሳይ አባ ጋፃን ዳዒያ ሻፊያዳ ዳሪኮካ፡
 ኤንታፌ ጉላ አሳ ፃላሊ አታና፡፡
 28 ጎዳይ አላሚያ ኡባ ቦላ ኤሌሲዲ ፖሎ ፒርዳ ፒርዳና፡፡»
 29 ቃሲካ አሳያሲ፡
 «ኡባፌ ወልቃማ ጎዳይ ኑስ ጉላ ዘሬሊ አሾናባ ጊዲያኮ፡
 ኑኒ ሶደሜኔ ጋሞራ ካታማዳ ቆያናሺን»
 ያጊዲ ኮይሮቲዲ ኦዲስ፡፡
 30 ያቲን፡ ኑ ወይጋኔ? ዓሎቴላ ኮዪቦና አይሁዳ ጊደና
 አሳይ አማኖን ዓሎቴሊ ዳሚደሶና፡፡ 31 ሺን ዓሎቴላኮ ጋሊያ
 ሂጌይ ዳዒያ ኢስራዔል አሳይ ዓሎቴሊ ዳሚቦኮና፡፡ 32 አይስ
 ዳሚቦኮና? ኤንቲ ዓሎቴላ አማኖን ጊደናሺን ኦሶን ኤካናው
 ኮዪዳ ጊሾሳ፡፡ ያኒያ ጊሾ፡ ኤንቲ፡ «ቆቢያ ሹቻን» ቆቤቲደሶና፡፡
 33 ጌሻ ማፃፋን፡
 «ታኒ ዒዮኔን ቆቢ ኩንዲሲያ ሹቻ ዋላና፡፡
 ኢያን አማኒያ ኦኒካ ዬላቴና»
 ጌቲቲዲ ፃፊቲስ፡፡

10

1 ታ አሻቶ፡ ታ ኩሜላ ዋዛናን ታ አሞቴይኔ ያሳ ዋሴይ
 ኢስራዔልይ አታና ሜላሳ፡፡ 2 ኤንቲ ያሳስ ሚሼቶሶናሺን፡ ቱማ
 ኤራቴላን ሚሼቶናይሳ ታ ማርካታይስ፡፡ 3 ኤንቲ ያሳ ዓሎቴላ
 ኦጊያ ኤርና ኢዒዲ፡ ባንታ ሁዔ ዓሎቴላ ካሊደሶናፔ አቲን ያሳ
 ዓሎቴላ ኮዪቦኮና፡፡ 4 አሲ ኡባይ አማኖን ዓላና ሜላ ኪሪስቶሲ
 ሂጊያ ፖሊስ፡፡

አቶቴላይ ኡባሳ

5 አሲ ሂጌ ናጊዲ ኤኪያ ዓሎቴላባ ሙሴይ ፃፊሹ፡ «ሂጌ ናጊያ
 ኦኒካ ሄ ሂጊያ ናጊዳ ሚላ ዳዔስ» ያጊስ፡፡ 6 ሺን አማኖን ኤኪያ
 ዓሎቴላባ ጌቲቲዳይ ሃይሳ፡ «ኔ ዋዛናን፡ «ኦኒ ሳሎ ኬያኔ?»
 ያጎፓ፤ ሄሲ ኪሪስቶሳ ዋቋሳናሳ፡፡ 7 ወይኮ፡ «ዱጌ ሳዓ ጋርሲ
 ዋቋናይ ኦኔ?» ጎፓ፤ ሄሲ ኪሪስቶሳ ዱፎፔ ኬሳናሳ፡፡ 8 ሺን
 ያጊዲ ፃፊቲስ፡ «የሳ ቃላይ ኔ ማታና፤ ኔ ደናኒኔ ኔ ዋዛናን
 ዳዔስ» ኑኒ ሂንቲው ኦዲያ አማኖ ቃላይ ሃይሳ፡፡

9 «ዬሱሲ ጎዳ» ጋዳ ኔ ደናን ማርካቲኮኔ ያሳይ ኢያ ሃይቆፔ
 ዳንሊዳይሳ ኔ ዋዛናን አማኒኮ፡ ኔ አታና፡፡ 10 አሲ ባ ዋዛናን

አማኒዲ ዓለስ፤ ባ ዶናን ማርካቲዲ አቴስ። 11 ጌሻ ማፃፋይ፡ «ኢያን አማኒያ ኦኒካ ዩላቴና» ያጌስ። 12 ኢሲ ያሳይ ኡባ ጎዳ ጊዲያ ጊሻ አይሁዴታ ጊዶኒኔ አይሁዴ ጊዶና አሳ ጊዶን ዲማቴሴ ባዋ። ኢ ባና ያጊያ ኡባስ ዳሮ ኬሃ። 13 ጌሻ ማፃፋይ፡ «ጎዳ ሱንላ ያጊያ ኦኒካ አታና» ያጌስ።

14 ያቲን፡ ኤንቲ አማኖና ዴሲሼ ዋኒዲ ኢያ ያጋናው ዳንዳያና? ኤንቲ ኢያባ ሲዶና ዴሲሼ ዋቲዲ ኢያ አማናናው ዳንዳያና? ቃሲ ኤንታው ቃላ ኦዲያ አሲ ባይና ዴሲሼን፡ ዋኒዲ ሲዳናው ዳንዳያና? 15 ከቴቲዳ አሲ ባይና ዴሲሼን፡ ቃላይ ዋኒዲ ኦዴታናው ዳንዳዲ? ጌሻ ማፃፋን፡ «ኡፋይሳ ዋንጌላ ኦዲያ አሳ ቶሆቲ ዋኒዲ ሎዶና!» ያጊዲ ፃፊቲስ።

16 ሺን ኢሳያሲ፡ «ጎዳው፡ ኑ ማርካቲላ ኦኒ አማኒዴ?» ያጊዳይሳዳ፡ ኡባይ ዋንጌላ አማኒቦኮና። 17 ሄሳ ጊሻ፡ አማኖይ ሲሳፊ ዩስ፤ ሲሲ ከሪስቶሳ ቃላፔ ዩስ።

18 ጊዶሺን፡ ኢስራዔል አሳይ ቃላ ሲዲቦኮና ጉሴዬ? አካይ ሲዲዶሶና። ጌሻ ማፃፋን፡ «ኤንታ ቃላይ ቢታ ኡባን ሲዔቲስ፡

ኤንታ ኦዳይ ሳዓ ጋፃ ጋኪስ» ያጌቲስ። 19 ሺን ኢስራዔል አሳይ ኤሪቦኮና ጉሴዬ? ሙሴይ ካሴ፡ «ታኒ ሂንቴና ሌቄቲዳ አሳን ቂሮይሳና፤ ቃሲ ኤያ አሳን ሂንቴና ዩሎያና» ያጊስ።

20 ቃሲ ኢሳያሲ፡ «ታና ኮዩቦና አሳስ ቤንታስ፤ ታና ኦይቺቦና አሳስ ቆንጫስ» ያጊዲያዮና ኦዲስ።

21 ሺን ኢሳያሲ ኢስራዔልታባ ኦዲሼ፡ «ኡባ ዎዴ ከቴቶና አሳሲኔ ታና ኢዲያ አሳስ ታ ኩሺያ ሚጫስ» ያጌስ።

11

ያሳይ ኢስራዔልታ አጊቤና

1 አኔ ታ ኦይቻይስ፡ ያቲን፡ ያሳይ ባ አሳ አጊዴዬ? አጊቤና! ታኒ ታ ሁዒን ኢስራዔል፤ አብራሃሜ ሼሺ፤ ቢኒያሜ ዛሬ።

10:11 ኢሳ 28:16 10:13 ኢዩ 2:32 10:15 ኢሳ 52:7 10:16 ኢሳ 53:1 10:18 ማዝ 19:4 10:19 ዛሬ 32:21 10:20 ኢሳ 65:1 10:21 ኢሳ 65:2

2 ያሳይ ኮይሮ ደሪዳ ባ አሳታ ዩጌና። ጌሻ ማፃፋን፡ ኤሊያሲ ኢስራዔላታ ያሳ ሲንፋን ዋቲ ሞቲዳኮ፡ ሂንቲ ኤሬኬቲ?
3 ኤሊያሲ፡ «ጎዳው፡ ኤንቲ ኔ ናቤታ ዋጂዶሶና፡ ኔ ያርሾ ቤሳካ ላሊዶሶና። ታ ታርካ አታሰ፤ ኤንቲ ታናካ ዋጃናው ኮዮሶና» ያገሰ።

4 ያሳይ ኢያው ዋይጊ ዛሪዴ? «ባዓሌ ኤቃሰ ጎይኒቦና ላቸን ሙኩሉ አሳ ታው አሻሰ» ያገሰ።

5 ሄሳዳካ፡ ሃ ዋዲያን ያሳይ ባ አጼ ኬሃቴፋን ደሪዳ ጉፋ ኢስራዔሌቲ ዳዖሶና። 6 ኢ ኤንታ ደሪዳይ ባ አጼ ኬሃቴፋና፤ አቲን ኤንታ ኦሶን ጊዴና። ደርይ ኦሶን ጊዲኮ፡ ኢያ አጼ ኬሃቴፋይ ቱማ አጼ ኬሃቴፋ ጊዴና።

7 ያቲን፡ ዋኒዴ? ኢስራዔሌቲ ባንታ ኮያባ ዴሚቦኮና፡ ሸን ያሳይ ደሪዳ ጉፋቲ ዴሚዶሶና። አቲዳይሳቲ ባንታ ዋዛና ሙሚሲዶሶና። 8 ሄሲካ፡ ጌሻ ማፃፋን፡

«ኤንቲ ባንታ አይፊያን ቤዖናዳ

ባንታ ሃይፋን ሲዖናዳ፡

ሃኖ ጋካናው ኤንታው

ያሳይ አዛላ አያና አሚሰ»

ጌቲቲዲ ፃፊቲዳይሳዳ ሃኒሰ። 9 ቃሲ ዳዊቲይ፡

«ኤንቲ ሚያ ጋይታይ ኤንታ ፃሄዳ ኦይኮ፤

ኤንታ ጉፋንሊያ አፎ ጊደ፤

ኤንታ ኢታቴፋይ ኤንታ ቦላ ጋኮ።

10 ኤንቲ ፃሎናዳ ኤንታ አይፊይ ጎዜቶ፤

ኡባ ዋዴ ሜቶን ኤንቲ ኩኒዲ ዴዖ» ያገሰ።

11 ያቲን፡ አይሁዴቲ ዛሪ ዴንዶና ሜላ ኩንዲዶናዬ? ጊዴና! ኤንታ ኩንዴፋይ አይሁዴ ጊዶና አሳይ አታና ሜላ ጋሶ ጊዲሰ። ሄሲካ አይሁዴቲ ኤንታ ቦላ ቃናታናዳ ኦሊሰ። 12 አይሁዴታ ናጋራይ አላሚያሰ ዳር አንጆ ኤሂሰ፤ ቃሲ ኤንታ ኩንዴፋይ አይሁዴ ጊዶና አሳሰ ዳር አንጆ ጊዲሰ። ያቲን፡ ዶሬቲዳ አይሁዴቲ ኩሜሊ አቲያ ዋዴ አንጆይ አይ ሜላ ዳራንዴሻ!

13 ታኒ፡ ሃሲ ሂንቲው አይሁዴ ጊዶና አሳሰ ኦዳይሰ። አይሁዴ ጊዶና አሳሰ ሃዋሬ ጊዳዳ ኦሌይሳን ታኒ ዳር ጨቁታይሰ። 14 ታ ሄሳ ኦሊዳይ ታው አሻን ዛሬ ጊዲዳ ኢስራዔሌታ ቂርያዳ ኤንታፊ ጉፋታ አሻናሳ። 15 ያሳይ ኤንታ ዩጊዳ ዋዴ ሃ አላሜይ ያሳራ

ሲገቡት። ያሳይ ኤንታ ሺሺ ኤኪያ ዋዴ ሃይቂዳ ኣሲ ሃይቆፔ ዴንዲዳ ሜላ ገዴሰ።

16 ኮይሮ ሜንሒዳ ባሶ ኡይላይ ያሳሰ ያርሼቲዲ ጌሺ ገዲኮ። ሙሜ ኡይላይካ ጌሺ። ሚላሰ ፃጶይ ጌሺ ገዲኮ። ታሼይካ ጌሺ።

17 ጋዴን ቶኪዳ ሻማሆ ታሼ ገዲዳ ኣይሁዴቲ ካሬቲን። ሂንቲ ባዞን ዶሊዳ ሻማሆ ታሼ ገዲዳ ኣይሁዴ ገደናይሳቲ ኤንታ ቤሳን ጳንሐቲዲ ኤንታ ኣንጂዋኔ ዱሬቴላ ሻኬቲዴታ። 18 ሂዛ። ሂንቲ ታሼዳ ካሬቲ ዋዲዳ ኣይሁዴታ ቦላ ኦቶርቶፊቴ። ሂንቲ ኦቶርቲያባ ገዲኮ። ፃጶይ ሂንቲና ቶኬሲፔ ኣቲን ሂንቲ ፃጶዋ ቶኮናይሳ ኣኬከቲ።

19 ኔኒ። «ሄ ታሼቲ ካሬቲዳይ። ታ ኤንታ ቤሳን ጳንሐታና ሜላሳ» ጋናው ዳንዳሳሳ። 20 ሄሲ ቱማ። ኤንቲ ኣማኒቦና ገሾ ካሬቲዶሶና። ኔኒ ኣማኒዳ ገሾ ሄ ቤሳን ኤቃዳሳ። ኔኒ ያናናው ቤሴሰፔ ኣቲን ኦቶራናው ቤሴና። 21 ያሳይ ሜዶን ታሼ ገዲዳ ኣይሁዴታስ ቃዴቶና ኢዲኮ ሂንቲዉካ ቃዴቴና።

22 ሂዛ። ያሳይ ኣይ ሜላ ኬሄኮኔ ኣይ ሜላ ያሺያኮ ቤሳ። ኢ ያሼይ ከቲቶናይሳታ። ቃሲ ኢ ኬሄይ ኢያ ኣማኒዲ ሚኒዲ ኤቂዳይሳታሳ። ሚኒዲ ኤቆና ኢዲኮ ሂንቲካ ካሬታና። 23 ኣይሁዴቲ ኣማኒኮ። ካሴ ኤንቲ ዴዒያ ቤሳ ሲማና። ያሳይ ኤንታ ዛሬዲ። ዋላናው ዳንዳዒሰ። 24 ሂንቲና ባዞን ዴዒያ ሻማሆ ገዲዳ ኣይሁዴ ገደናይሳታ ቃንዲዲ። ጋዴን ቶኬቲዳ ሻማሆ ቦላ ሂንቲና ቶኪኮ። ሜዶን ጋዴ ሻማሆ ገዲዳ ኣይሁዴታ ባንታ ኮይሮ ቤሳን ዛሬ ቶካናው ዋኒዲ ዳንዳዒቴኔ?

ያሳ ማርቲላይ ኡባሳ

25 ታ ኢሻቶ። ሂንቲ ሂንቲና ኤራንቾ ገዲ ጨቂቶፊቴ። ታ ሂንቲው ኦዲያ ኢሲ ፀሪ ዴዒሰ። ሄሲካ ኢሰራዒሌታፔ ባጋይ ሲያና ኢዲዳይ ዉርሴላ ጋካናው ገደናሺን ኣታናው ዴዒያ ኣይሁዴ ገደና ኣሳይ ኩሜላ ያሳኮ ያና ጋካናሳ። 26 ሄሳዳካ። ኢሰራዒሌ ኣሳ ኡባይ ኣታና። ጌሻ ማፃፋን።

«ኑና ኣሼይሲ ዲኮኔፔ ያና፤ ያይቆባ ዜሬላፌ ኢታ ኡባ ዲጋና።

27 ታኒ ኤንታ ናጋራ ኣቶ ገያ ዋዴ ኤንታራ ጫቃና ጫቆይ ሃይሳ» ጌቲቲዲ ፃፊቲሰ።

28 አይሁዳቲ ዋንጌላ ኤኮና ኢዲዲ፡ ሂንቲ ጊሾ ያሳራ ሞርኬ ጊዲዶሶና። ጊደሺን፡ ሃዒካ ኤንቲ ዶሬቲዳይሳታ፡ ያሳይ ኤንታ አዋታ ጊሾ ኤንታ ዶሴስ። 29 ያሳይ ባ ኢሙዋኒኔ ባ ፃሳን ቂሮቴና። 30 ሂንቲ አይሁዳ ጊደናይሳቲ ካሴ ያሳሰ ከቴቲቤኬታ። ሺን ሃዒ አይሁዳቲ ከቴቶና ኢዲን፡ ሂንቲ ያሳ ማሮቴላ ኤኪዳታ። 31 ሄሳዳካ፡ ሂንቲ ኤኪዳ ማሮቴላ አይሁዳቲ ኤካና ሜላ ሃዒ ያሳሰ ከቴቶና ኢዲዶሶና። 32 ያሳይ አሳ ኡባ ባ ማሮቴላ ቤሳናው ኮዪዲ፡ አሲ ኡባይ ከቴቶና ኢፃና ሜላ ኦሊስ። 33 ያሳ ዱሬቴላ፡ ጨንጫቴላኔ ኤራቴላ አክኪዲ ኦዳናይ ኦኔ? ኢያ ፐርዳይ ፐልጌቴና፡ ኢያ ኦጌይ ኤሬቴና። 34 ጌሻ ማፃፋን፡ «ሳዳ ቆፋ ኤሬይ ኦኔ? ኢያ ዘራናው ዳንዳዔይ ኦኔ? 35 ያሳሰ ታልዔይኔ ታልዔያ ዛሪዲ ኤኬይ ኦኔ?» ያጌስ። 36 ኡባ ኢ ሜዲስ፤ ኡባይ ኢያን ዴዔስ፤ ኡባይ ኢያ ቦንቾሳ። ያሳሰ ሜሪናው ቦንቾይ ጊዶ። አሚንዒ።

12

ኪሪስቶሳን ኦራላ ዴያ

1 ሂዛ፡ ታ አሻቶ፡ ሂንቲ፡ ሂንቲ አሳቴላ ያሳ ኡፋይሲያ፡ ዴያኔ ጌሻ ያርሾ ኦሊዲ፡ አማና ሜላ ታኒ ሂንቲና ያሳ ማሮቴላን ዋሳይስ። ያሳ ሂንቲ ጎይናናው ቤሲያ ቱማ ኦጌይ ሄሳ። 2 ሎያ፡ ኡፋይሲይሳኔ ፖሎ ጊዲዳ ያሳ ሺኒያ ሂንቲ ሻኪ ኤራናው ሂንቲ ቆፋን ላሜቲቴፔ አቲን ሃ አላሚያ ዳናፒቴ። 3 ያሳይ ሂንቲ ኢሱዋስ ኢሱዋስ ኢሚዳ አማኑዋ ሜላ ዋዛናማ አሳዳ ቆፒቴ። ቆፓናው ቤሲይሳፌ ኦሊዲ ሂንቲና ዲማዪዲ፡ ኦቶሮን ቆፖሬቴ ጋዳ ታው ኢሜቲዳ አፆ ከሃቴላን ሂንቲው ኦዲይስ። 4 ኦ ኢሲ አሳቴላ ጊዶን ዱማ ዱማ ከፊሊቲ ዴያሶና፤ ሄ ዱማ ዱማ ከፊሊታስ ዱማ ዱማ ኦሶይ ዴዔስ። 5 ሄሳዳ፡ ኦኒ ዳሮ አሲ ጊዲኮካ ኪሪስቶሳን ኢሲ አሳቴላ ጊዲዳ። ኦኒ ኢሲ አሳቴላ ጊዲዲ ዱማ ዱማ ከፊሊቲ ኢሶይ ኢሱዋራ ኦይኬቲዳ። 6 ኦስ ኢሜቲዳ አፆ ከሃቴላን ዱማ ዱማ ኢሞታቲ ዴያሶና። ኦ ኢሞይ ቲንቢት ኦዶ ጊዲኮ፡ ኦስ ዴዔያ አማኑዋ ሜላ ኦዳናው

በሴሰስ። 7 ኑ አሞይ ሃራታ ማዴ ገዲኮ፤ ሄ ኦሱዋን ሚናናው በሴሰስ፤ ታማርሶ ገዲኮ፤ ሄ ታማርሱዋን ሚናናው በሴሰስ። 8 ኑ አሞይ ሃራታ ሚንፊሶ ገዲኮ፤ ሚኒዲ ሚንፊሳናው በሴሰስ። ኑ አሞይ ኑስ ዴዲያባፔ ሃራታስ አሞ ገዲኮ፤ ዋዛናፔ አማናው በሴሰስ። ኑ አሞይ አይሶ ገዲኮ፤ ሚኒዲ አይሳናው በሴሰስ። ኑ አሞይ ሃራታስ ከሆ ገዲኮ፤ ኡፋይሳን ከሃናው በሴሰስ።

9 ሂንቴ ሰቆይ ቆጆፔ ቆሞን ገዳናው በሴና። አታባ ኢፃቴ፤ ሎቦባ ሚንፊዲ ኦይኪቴ። 10 ኢሶይ ኢሱዋራ አሻዳ ሰቆቴቴ፤ ኢሶይ ኢሱዋ ቦንቸቴ። 11 አዛሎፊቴ፤ ሂንቴ አያናን ሚኒዲ ጎዳስ ኦሊቴ። 12 ያሳይ አሚዳ ኡፋይሳን ኡፋይቴቴ፤ ሜቱዋ ዳንዳዒቴ፤ ኡባ ዋዴ ያሳ ዋሲቴ። 13 አማኒያ ጌሻታ ኮሺያባን ማዲቴ፤ አማላታ ሞኪቴ።

14 ሂንቴና ጎዴይሳታ አንጂቴ፤ አንጂቴቴ አቲን ባዶፊቴ። 15 ኡፋይቴሳታራ ኡፋይቴቴ፤ ዩኬይሳታራ ዩኪቴ። 16 ኢሶይ ኢሱዋራ ኢሲ ቆፋን ዴዒቴ። ኦቶሮ ቆፋ አገዲ፤ ሂንቴና ካዉሺዲ፤ ካዉሻ አሶ ኦሊቴ። ሂንቴ ሂንቴና ጨንጫ ገዲ ቆፖፊቴ።

17 አኒካ ሂንቴው አታባ ኦሊኮ፤ ሄ ኡራስ አታ ዛርፒቴ። አሳ ኡባ ሲንላን ናሺሲያ ሎዖ ኦሶ ኦሊቴ። 18 አሳ ኡባራ ሳርን ዳናው ሂንቴው ዳንዳዒቴያ ኡባ ኦሊቴ። 19 ታ አሻቶ፤ ሂንቴ፤ ሂንቴ ሁዒን አሳስ ሃሎ ኬዮፒቴ። ያሳይ ሃሎ ኬያና ሜላ ኢያው አጋገቴ። ጌሻ ማፃፋን፤

«ታኒ ሃሎ ኬያና፤

ታኒ ኩሺ ዛራና»
ያጌስ ጎዳይ፤ ጌቴቴዲ ፃፊቴስ።

20 ሺን ጌሻ ማፃፋን፤

«ኔ ሞርኬይ ኮሻቴኮ ሙዛ፤

ኢ ሳሞቴኮ ኡሻ።

ኔኒ ሄሳ ኦሊኮ ኢያ ሁዒን

ዩላ ታማ ቦንቆ ቆላሳ»

ጌቴቴዲ ፃፊቴስ።

21 አታ ሎዖን ያናፔ አቲን አታን ያኔቶፋ።

13

ዴሪያ አይሴይሳታስ ኪቴቴሊ

12:6 1ቆር 12:4-11

12:14 ማቶ 5:44፤ ሉቃ 6:28

12:16 ሉሚ 3:7

12:19 ዛሬ 32:35

12:20 ሉሚ 25:21

1 ፆሳ ሼኔ ጊደናሺን ማቲ ኢሜቶና ጊሾኔ ሃዒ ዴዒያ ሹማቲካ ፆሳ ሼኔን ሹማቲዳ ጊሾ ኣሲ ኡባይ ዴሪያ ኣይሴይሳታሰ ከቲታናው ቤሴስ። 2 ሄሳ ጊሾ፥ ማታራ ዴዒይሳታሰ ከቲቶና ኢዲያ ኦኒካ ፆሳ ከታ ኢዳስ። ከቲቶና ኢዲያ ኦኒካ ባ ቦላ ፒርዳ ኤሄስ። 3 ኣይሴይሳቲ ኢታ ኦፊይሳታፔ ኣቲን ሎዎ ኦፊይሳታ ያሾኮና። ኣይሴይሳታሰ ያዮና ኣጋናው ኮያይ? ያኮ ሎዎ ኦላ፤ ኤንቲ ኔና ጋላታና። 4 ኤንቲ ኔው ሎዎባ ኦላናው ሹማቲዳ ፆሳ ኣይሴ። ሺን ኔኒ ኢታባ ኦሊኮ፥ ኤንቲ ኢታባ ኦሊዳይሳ ሴሪያ ጊሾ ኢያው ያያ። ኤንቲ ኢታ ኦፊይሳታ ሴሪዲ፥ ፆሳ ሃንቁዋ ቆንጨሲያ ፆሳ ኣይሴ። 5 ሄሳ ጊሾ፥ ፆሳ ሃንቁዋ ዓላላሰ ጊደናሺን ሂንቲ ካሃይ ማርካቲያ ጊሾ ዴሪያ ኣይሴይሳታሰ ከቲታናው ቤሴስ።

6 ሂንቲ ገራ ገሬይካ ሄሳሳ። ዴሪያ ኣይሴይሳቲ ሄ ኦሱዋ ኦፊይ፥ ኤንቲ ፆሳ ኣይሴታ ገዲዳ ጊሾሳ። 7 ኢሱዋስ ኢሱዋስ ቤሴይሳ ኢሚቲ። ገራ ገራናው ቤሴይሳሰ ገሪቲ፤ ቃራፃ ቃንፃናው ቤሴይሳሰ ቃራፃ ቃንፃቲ፤ ያያናው ቤሴይሳሰ ያዩቲ፤ ቦንቾይ ቤሴይሳ ቦንቾቲ።

ሲቄቲቲ

8 ኢሶይ ኢሱዋራ ሲቄቲቲ። ሲቆ ኣጮፔ ኣቲን ሂንቲ ቦላ ሃራ ኣጮይ ደፖ። ኣሴ ሲቄያ ኦኒካ ሂጌይ ጌይሳ ፖሊስ። 9 «ላሞፋ፤ ዋጶፓ፤ ካይሶቶፓ፤ ኣሞቶፋ» ጊያ ከታይኔ ሃራ ከታ ኡባይ፥ «ኣሴ ኔ ሁዔዳ ደሳ» ጊያ ከታን ቃሼቲስ። 10 ኣሴ ሲቄያ ኦኒካ ኢያ ቦላ ኢታባ ኦፊና። ሄሳ ጊሾ፥ ኣሴ ሲቄይሲ ሂኔ ከታ ፖሊስ።

11 ጳስኮፌ ሂንቲ ባርኪያ ዋዴይ ሃዒ ገዴይሳ ኣኬኪዲ ሄሳ ኦሊቲ። ኑ ኣታና ዋዴይ ኮይር ኑ ኣማኒዳ ዋዴያፔ ሃዒ ኑኮ ማቲስ። 12 ጳማ ዋዴይ ኣፋናው ሃኔስ፤ ዋንታይ ማቲስ። ሂዛ፥ ኑኒ ጳማ ኦሶ ኣጊዲ ፖዎ ኦላ ሚሼ ኦይኮስ። 13 ኣኔ ጋላሰ ፖዎን ዴዒያ ኣሳዳ ማራን ዴዎስ። ማሶኒኔ ላይማቲላራ ጋሂቲያ ዴማ ዴማ ቱና ኦሶታን፥ * ፓላማኒኔ ቃናቲን ጊደፖ። 14 ጎዳ ዬሱስ ከሪሰቶሳ ካንዱዋ ማዒቲ፤ ሂንቲ ናጋራንቾ ኣሳቲላይ ባ ኣሙዋ ፖላና ሜላ ኢያው ቆፖፊቲ።

13:6 ማቶ 22:21፤ ማር 12:17፤ ሉቃ 20:25 13:9 ኬሳ 20:13-17፤ ካሬ 5:17-19፤ ሉቁ 19:18 * 13:13 ላይማቲላራ ጋሂቲያ ዴማ ዴማ ቱና ኦሶታን፡ ዋይኮ ዬላን፡ ማሶን፡ ላይማቶን፡ ቃይፃን ጊደፖ ገዲ ቢላናው ዴንዴዒቲስ። ላይማቲላራ ጋሂቲያ ዴማ ዴማ ቱና ኦሶቲ ኣሲ ፆሳ ሃርፔ ካሬ ኬዬዲ ደዓ ካንዶ ኤኪዲ ፖሊያ ኦሶ ጉሱ።

14

እሳ ቦላ ፒርዶፊቱ

¹ አማኖን ዳቡሪዳ ኦናካ ሺሺ ኤከቲፔ አቲን ኢያ ቆፋ ቦላ ፒርዶፊቱ። ² ለሚሶስ፣ አማኖን ሚኒዳ ኢሲ አሲ አይ ካሊካ ማናው ዳንዳዔስ። ሺን አማኖን ዳቡሪያ አሲ አታኪልቲ ፃላላ ሜስ። ³ ኡባባ ሚያ አሲ ሞና ኡራ ካጵፖ። ኡባባ ሞና አሲ ሚያ ኡራ ቦላ ፒርዶፎ። ያሳይ ኡባ ሚያ ኡራ ሺሺ ኤከስ። ⁴ ሃራ እሳ አይሌ ቦላ ፒርዶይ ኔኒ ኦኔ? ኢ ዳቡሪን ዎይኮ ሚኒን ባ ጎዳሳ። ጎዳይ ኢያ ኤሳናው ዳንዳዔያ ጊሾ ኢ ሚኒዳ ኤቃና።

⁵ ቃሲ «ኢሲ ጋላሳይ ሃራ ጋላሳፔ አጼስ» ያጊዲ ቆፒያ አሲ ዴዔስ። ሃራይ ቃሲ፣ «ጋላሳቲ ኡባይ ኢሲ ሜላ» ጊዲ ቆፒስ። ሺን ኢሶይ ኢሶይ ባ ቆፋ አኬኪዲ ቃሹ። ⁶ ኢሲ ጋላሳ ሃራ ጋላሳታፔ አሊዲ ቦንቺያ ኦኒካ ጎዳ ቦንቸስ ጊዲ ኦፊስ። ኡባ ካሊ ሚያ አሲ ጎዳ ቦንቸስ ጊዲ ሜስ። ኢ ሚያ ሄ ካላ ጊሾ ያሳ ጋላቲስ። ኡባ ካሊ ሞና አሲ ጎዳ ቦንቸስ ሞና አጌስ፤ ቃሲ ሞና አጎን ያሳ ጋላቲስ። ⁷ ኦፔ ኦኒካ ባው ዴና፤ ቃሲ ኦ ጊደፌ ኦኒካ ባው ሃይቄና። ⁸ ኦ ዴዎን ዴዒኮ ጎዳስ ዴዎስ፤ ቃሲ ሃይቄኮካ ጎዳስ ሃይቆስ። ሂዛ፣ ኦ ዴዎን ዴዒን ዎይኮ ሃይቄን ጎዳሳ።

⁹ ከሪስቶሲ ሃይቄዲ ሃይቆፔ ዴንዲዳይ፣ ዴዎን ዴዒይሳታሲኔ ሃይቄዳይሳታሲ ጎዳ ጊዳናሳ። ¹⁰ ያቲን፣ ኔኒ ኔ አሻ ቦላ አይስ ፒርዳይ? ዎይኮ ኔኒ ኔ አሻ አይስ ካጳይ? ኦኒ ኡባይ ያሳ ፒርዳ አራታ ሲንላን ኤቃና።

¹¹ ጌሻ ማፃፋን ጎዳይ፡

«ታኒ ዴዎን ዴዒይስ፤
እሳ ኡባይ ታ ሲንላን ጉልባታና፤
ታኒ ያሴ ጊዴይሳ ማርካታና»

ያጌስ። ¹² ሂዛ፣ ኦ ኦሊዳባስ ኦ ሁዔን ሁዔን ያሳ ሲንላን ሺቂዲ ዛሮ አማና።

ሃራ አሲ ጳቤጶፋ

¹³ ሄሳ ጊሹ፣ ኦኒ ኢሶይ ኢሱዋ ቦላ ፒርዶይሳ አጎስ። ሺን ሂንቲ አሻ ጳብሲዲ ዎይኮ ቃፂዲ ናጋራን ጌልሲያባ ኦፋናዳ ናጌቲቱ። ¹⁴ ጎዳ ዬሱሳ አማኒያ አሳዳ፣ ባ ሁዔን ቱና ጊዲዳ ካሊ ባይናይሳ ታኒ ጌሻዳ ኤራይስ። ሺን ኢሲ አሲ ኢሲባ ቱና ጊዲ ቆፒኮ ሄሲ ኢያው ቱና ጊዴስ። ¹⁵ ኔ ሚያ ካላ ጊሾ ኔ አሻ

ቆቢያባ ገዲኮ፡ ከሪስቶስን ዳዒያ ኔ እሻ ሲቃካ፡ ከሪስቶስ ኢያ ገሾ ሃይቂዳ ኡራ ኔ ሚያ ካፋን ኢያ አያና ዴዑዋ ዳይሶፋ፡፡
 16 ሂዛ፡ ሂንቴው ዳዒያ ላዓቴላ ሃራቲ ቦራና ሜላ ኦሶፊቴ፡፡
 17 ያሳ ካዋቴላይ ጌሻ አያናን ቤንቲያ ደሎቴላ፡ ሳሮቴላኔ ቱማ ኡፋይሲፊ ኣቲን ሙሳባኔ ኡሻባ ገዴና፡፡ 18 ሄሳዳ ከሪስቶስን ኦሊያ ኣሲ ያሳ ኡፋይሲስ፤ ኣሳንካ ኣንጃቴሰ፡፡

19 ሄሳ ገሾ፡ ኣኔ ኦኒ ሳሮቴላ ቤንቲያ ኦጊያኔ ኢሱዋ ኢሱዋ ኣማኖን ሚንሊያ ኦጊያ ኮኖሰ፡፡ 20 ካላ ገሾ ጋዳ ያሳ ኦሱዋ ዳይስሶፋ፡፡ ኡባ ካሊ ሜቴቴሰ፡ ሺን ሃራ ኣሲ ናጋራን ቆብሲያ ካሊ ሙሲ ኢታ፡፡ 21 ኔ ኢሻይ ቆቤቶና ሜላ ኣሾ ሞና ዋይኮ ኡሹ ኡኖና ዋይኮ ኔ ኢሻ ቆቢያ ሃራባ ኦሶና ኣጎይ ሎዎ፡፡

22 ሂዛ፡ ሃ ኔ ኣማኑዋ ኔ ገደኒኔ ኔ ያሳ ገደን ናጋ፡፡ ሊኬ ገዲ ቆፒዳባ ኦሊያ ዋዴ ኢያ ካሃይ ሞቶና ኡራይ ኣንጃቲዳይሳ፡፡
 23 ሺን ሲዲሼ ሚያ ኡራስ ኢያ ሙሳይ ኣማኖን ገደና ገሾ ፒሮዴቴሰ፡፡ ኣማኖይ ባይና ኦሴቲዳ ኦሶ ኡባይ ናጋራ፡፡

15

ሃራታ ኡፋይሳናው ቤሴስ

1 ኦኒ ኣማኖን ሚኒዳይሳቲ ዳቡራንቸታ ቶሁዋ ቶካናው ቤሴስ፡፡ ኦኒ ኦና ኡፋይሳናው ቤሴና፡፡ 2 ኦኒ ኦ እሻ ኣማኖን ሚንፋናው ኢያ ማዳናውኔ ኡፋይሳናው ቤሴስ፡፡ 3 ከሪስቶስ ባና ኡፋይሲቤና፡፡ ሺን ጌሻ ማፃፋን፡ «ኣሳይ ኔና ጫዪዳ ጫሻይ ታና ጋኪስ» ጌቴቲ ፃፊቲዳይሳዳ ሃኒሰ፡፡ 4 ጌሻ ማፃፋይ ኢሚያ ጌንጫኒኔ ሚንሊሉዋን ኦ ኡፋይሳ ኤካና ሜላ ጌሻ ማፃፋን ፃፊቲዳ ኡባይ ኦና ታማርሳናው ፃፊቲሰ፡፡

5 ጌንጫኔ ሚኖቴላ ኢሚያ ጎዳይ ሂንቴ ከሪስቶስ ዩሱሳ ካሊያ ዋዴ ኢሲፊቴላ ሂንቴው ኢሞ፡፡ 6 ሄሲካ፡ ኦ ጎዳ ዩሱስ ከሪስቶስ ኣዋ፡ ያሳ፡ ኢሲ ዋዛናኒኔ ኢሲ ቃላን ሂንቴ ቦንቻና ሜላሳ፡፡

ዋንጌላይ ኣሳ ኡባሳ

7 ከሪስቶስ ሂንቴና ኤኪዳይሳዳ ያሳ ቦንቸሰ ኢሶይ ኢሱዋ ኤኪቴ፡፡ 8 ያሳይ ቤኒ ኣዋታስ ኢሚዳ ኡፋይሳይ ፖሊታና ሜላኔ ኢያ ቱማቴላይ ኤፊታና ሜላ ከሪስቶስ ኣይሁዴታ ኣይሌ ገዲዲ ዪዳይሳ ታ ሂንቴው ኦዳይሰ፡፡ 9 ከሪስቶስ ኣይሁዴታ ኣይሌ ገዲዳ ሃራ ጋሶይ ቃሲ ኣይሁዴ ገደና ኣሳቲ ያሳ ኢያ ማሮቴላ ገሾ ጋላታና ሜላሳ፡፡ ጌሻ ማፃፋን፡

«Ժ ն հ ԿԵՄԵ ԴԵՆ ԿՂ ԴԵՆ ԵՂԺԿ:

ኔ ሱንላ ሳባኛ»

ጌቴተዱ ፃፊተዳይሳዳ ሃኒሰ።

10 $\phi \rightarrow \psi$

«ኢይሁዴ ጊደና አሳው።

ዎላ ዴሪያራ ኡፋይተቴ»

ያቤቲሰ።

11 ቃሊ ዛሪዲ፡

«ኢይሁዴ ጊድና አሳው፡

ኅዳ ጋላቲቴ፤

ካዎቴል ኡባይ ኢያ ሳቢቴ»

ያቤቱሰ፡፡

¹² ሄሳዲ ኢሳያሲ፡

«ኢሰዬ ዛሬ፤ ይላቸው ኢሰይ ያና፤

ኢ ካዎቴላ ኡባ ሃራና።

ኤንቲ ባንታ ኡፋይሳ ኢያ ቦላ ዋላና»

၄၇၇။

¹³ ጌሻ ኣያና ዋልቃን ሂንቴ ዲጫና ሜላ ኡፋይሲ ኢሚያ ፆሳይ፡ ሂንቴ ኣማኑዋ ጋሱን ሂንቴው ኡፋይሲኔ ሳሮቴሉ ኩሚሉ ኢሞ።

ጳውሎስ ፃፊ ይህን ደብዳቤ

14 ታ ኢሻቶ፡ ሂንቴናን ሎዎቴሌኔ ኤራቴሌ ኩሚዳይሳ ቃሲ ኢሶይ ኢሱዋ ዘራናው ዳንዳዔይሳ ታ ገሻዳ ኤራይስ። 15 ታኒ ሂንቴና ኢሲ ኢሲሳ ጉጁ እኩኪሳናው ኮያዳ ያየና ሃ ዳብዳቢያ ሂንቴው ዓፋስ። 16 ታኒ ኪሪስቶስ ዬሱሳ አይሌ ጊዳዳ፡ አይሁዴ ጊዶና አሳስ ካሂኔዳ አላዳ፡ ዋንጌላ ኦዳና ሜላ ያሳይ ታው አጾ ኬሃቴላ አሚስ። አይሁዴ ጊዶና አሳይ ገሻ አያናን ጌዪዲ፡ ያሳ ኡፋይሲያ ያርሾ ጊዶና ሜላ ያሳይ ሄሳ ኦሊስ።

17 ታኒ ኪሪሰቶስ ዩሱባን ጊዳዳ ያሳሰ ኦሊያ ኦሱዋን ጨቁታይሰ። 18 እይሁዳ ጊደና አሳይ ያሳሰ ኪቲታናዳ፣ ኪሪሰቶስ ታቃላኔ ታ ኦሱዋ ባገራ አሊዳ ኦሱዋፔ አቲን ሃሪ ታ ጨቁቲያባይ ባዋ። 19 ያሳይ ሄሳ ማላታኒኔ ጌሻ ኣያና ዎልቃን ዋቲ አሊዳኮ ታ ሂንቲው ኦደና። ታኒ ዩሩሳላሜፔ ደማዳ፣ ኢሊዋርቆኔ ጋካናው ኪሪሰቶሳ ዋንጌላ ሳባካሰ። 20 ታኒ ሃሪ አሲ ባሲዳ ቤሳን ኬፃናው ኮዪኬ። ኪሪሰቶሳ ሱንላይ ፄጌቲቦና ቤሳን ዋንጌላ ኦደናው አዋታይሰ። 21 ጌሻ ማፃፋን፤

«ኢየሳይ ኦዴቲቦና አሳቲ ኢያ ቤዓና፤
ኢየሳ ሲዒቦና አሳቲ ኣኬካና»
ጌቴቲዲ ፃፊቲሰ።

ጳውሎሲ ሮሜ ባናው ቆፒስ

22 ሄሳ ጋሶን፥ ታኒ ሂንቴኮ ያናው ዳንዳዓቢኬ። 23 ሺን ታኒ ሃዒ ሃ ሄራን ታ ኦሱዋ ኦንጊዳ ጊሾኔ ዳሮ ላይላፌ ዶማዳ ሂንቴና ቤዓናው ላሞቲዳ ጊሾ 24 ታኒ ኢስፔኔ ባሼ ሂንቴና ቤዓናው ቆፓሰ። ቃሲ ጉላ ዋዴ ሂንቴራ ኡፋይቲዳፔ ጉዬ ኢስፔኔ ቢያ ዋዴ ሂንቴ ታ ኦጊያሰ ታና ማዳና ሜላ ኮያይሰ።

25 ሺን ሃዒ ታኒ ያሳ አሳታ ማዳናው ዬሩሳላሜ ባይሰ። 26 ማቄደኒያኔ ኣካያን ዴዒያ ያሳ አሳቲ፥ ዬሩሳላሜን ዴዒያ ማንቆታ ሚሾን ማዳናው ኮዪዳ ጊሾሳ። 27 ኤንቲ ማንቆታ ማዳናይሲ ኤንታው ኣቶናባ ጊዲዳ ጊሾ ባንታ ሁዔን ሄሳ ኦላናው ቆፋ ቃቺዶሶና። ኣይሁዴቲ ኣይሁዴ ጊዶናይሳታራ ኣያና ኣንጂዋ ሻኬቲኮ፥ ኤንቲ ቃሲ ባንታው ዴዒያባን ኣይሁዴታ ማዳናው ቤሴሰ። 28 ሄሳ ጊሾ፥ ታኒ ሄ ሺቂዳ ሚሺያ ኤንታው ኢሚዳፔ ጉዬ ኢስፔኔ ባሼ ሂንቴ ማታራ ኣቆና። 29 ታኒ ሂንቴኮ ቢያ ዋዴ ኪሪሰቶሳ ኣንጂዋን ኩማዳ ባናይሳ ኤራይሰ።

30 ታ ኢሻቶ፥ ታው ያሳ ዋሲሼ ታ ባዒያን ታራ ኤቃና ሜላ ጎዳ ዬሱስ ኪሪሰቶሳኒኔ ጌሻ ኣያና ሲቁዋን ሂንቴና ዋሳይሰ። 31 ያሳይ ታና ዪሁዳን ዴዒያ ኣማኖና አሳታፔ ኣሻናዳኔ ዬሩሳላሜን ታ ኦላና ኦሶይ ያሳ አሳታ ማታን ኤኬታና ሜላ ታው ዋሲቴ። 32 ቃሲ ያሲ ጊኮ፥ ታኒ ሂንቴኮ ባዳ ኡፋይሳን ሂንቴራ ሼምፓና ሜላ ታው ዋሲቴ። 33 ሳሮቴላ ያሳይ ሂንቴ ኡባራ ጊዶ። ኣሚንዒ።

16

ሳሮሶ

1 ኪንኪሪያ ካታማን ዴዒያ ዋሳ ኬላን ኦሊያ ኦ ሚቺያ ፊባ ሎዖ ማጫሰ ጊዳይሳ ሂንቴ ኤራና ሜላ ኮያይሰ። 2 ሂንቴ ኢዮ ኣማኒያ አሳቲ ጎዳ ሱንላን ሞካናው ቤሲያ ኣማኒያ አሳታፔ ኢሱዋዳ ሞኪቴ። ኢያ ሂንቴፌ ኮያባ ኡባ ኢዮ ማዲቴ። ኢያ ባ ሁዔን ዳሮ አሳ ማዳሰ፤ ቃሲ ታና ታ ሁዔንካ ዳሮ ማዳሰ።

3 ኪሪሰቶስ ዬሱሳ ኦሱዋ ታራ ኢሲፌ ኦሊያ ጲሪሰቂላኔ ኣቂላ ሳሮ ጊቴ። 4 ኤንቲ ታ ጊሾ ባንታ ሼምፑዋ ኣሊ ኢሚዶሶና።

ታ ፃላላ ጊደናሺን አይሁዴ ጊደና አሳ ዋሳ ከላ ኡባይ ኤንታ ጋላቲስ። ⁵ ኤንታ ሶን ሸቂያ አማኒያ አሳ ሳሮ ጊቲ።

ኢሲያ ቢታን ኪሪስቶሳ ኮይሮ አማኒዳ፤ ታ ዶሲያ ኤጳኔፆሳስ ታ ሳርሉዋ ኦዲቲ።

⁶ ሂንቲ ጊሾ ኦሶን ዳሮ ዳቡሪዳ ማይራዋ ሳሮ ጊቲ። ⁷ ታራ ቃሾ ከላን አሊዳ ታ አይሁዴ ላጌታ አንዲሮጌቆሳኔ ዩኒያሳ ሳሮ ጊቲ። ኤንቲ ዬሱሳ ሃዋሬታ ጊደን ኤሬቲዳይሳታ። ቃሲ ኤንቲ ኪሪስቶሳ ታፔ ሲንፊ አማኒዶሶና።

⁸ ጎዳን አማኒያ ታ ሲቆ ላጊያ፤ አምጺሊያፆሳ ሳሮ ጊቲ።

⁹ ኪሪስቶሳ ኦሱዋ ኦራ ኢሲፌ ኦሊያ ኡርባኖሴኔ ታ ዶሲያ ኢስታኩሳ ሳሮ ጊቲ። ¹⁰ ኪሪስቶሳን አማንሊያ አይሊያ አጼሊሳስ ታ ሳርሉዋ ኦዲቲ። አርስፆቡሎሳ ሶ አሳስ ታ ሳርሉዋ ኦዲቲ።

¹¹ ታ አይሁዴ ላጊያ ሄሮዲዮና ሳሮ ጊቲ።

ናርሲሳኔ ኢያ ሶ አሳፔ ኪሪስቶሳ አማኒዳይሳታ ሳሮ ጊቲ።

¹² ጎዳ ኦሱዋን ዳቡሪያ ቲሩፋይናኔ ቲሩፎሳ ሳሮ ጊቲ። ቃሲ ጎዳስ ዳሮ ዳቡሪዳ ኦሊያ፤ ታ ዶሲያ ጴርሲሶ ሳሮ ጊቲ። ¹³ ጎዳ ኦሱዋን ዳሮ ኤሬቲዳ ሩፎሳሲኔ ታና ባ ናዳዳ ቤዒያ ኢያ አዬስ ታ ሳርሉዋ ኦዲቲ። ¹⁴ አሲኒኪርቶሳስ፤ ፊሌጎናስ፤ ሄርሜሳስ፤ ፓቲሮባሳሲኔ ኤንታራ ዳዒያ አማኒያ አሻታ ኡባስ ታ ሳርሉዋ ኦዲቲ። ¹⁵ ፊሎሎጉሳ፤ ዩሊያ፤ ኔሪያ፤ ኢያ ሚቺው፤ ኦሎምፖሳኔ ኤንታራ ዳዒያ አማኒያ አሳ ኡባ ሳሮ ጊቲ።

¹⁶ ጌሻ ዬሬቴሊ ዬሬቲሼ፤ ኢሶይ ኢሱዋ ሳርሊቲ። ኪሪስቶሳ ዋሳ ከላ ኡባይ ሂንቲና ሳሮ ያጎሶና።

ወርሴላ ዘሬ

¹⁷ ታ ኢሻቶ፤ ሂንቲ ታማሪዳ ቲሚርቲያ ኢዲዲ፤ ሂንቲ ጊደን ሻኬቲሊኔ ሜቶ ሜጲያ አሳታፔ ናጌቲቲ። ኤንታፌ ሃኪቲ። ¹⁸ ሄሳ ሜላ አሳቲ ባንታው ኦሶሶናፔ አቲን ኦ ጎዳ ኪሪስቶሳስ ኦሶኮና። ባንታ ማልዒያ ዶናኒኔ ሳጾሊያ ቃላን አይኮ ኤሮና አሳ ዋዛና ባሌሶሶና። ¹⁹ ዋንጌላስ ሂንቲ ከቲቲዳይሳ አሳ ኡባይ ሲዒዳይሲ ታና ኡፋይሴስ። ሺን ሂንቲ ሎፆባ ኤራና ሜላኔ ኢታባፔ ሃካና ሜላ ታ ኮያይስ። ²⁰ ሳርቲላ ያሳይ ፃላሂያ ሂንቲ ቶሁዋፔ ጋርሳን ጋጪ ዬጋና።

ኦ ጎዳ ዬሱስ ኪሪስቶሳ አጼ ኬሃቴላይ ሂንቲራ ጊደ።

²¹ ታራ ኦሊያ ዊሞቲዮሲ ሂንቲና ሳሮ ያጌስ። ሄሳዳካ፤ ታ ዳቦቲ ሉቂዮሲ፤ ያሶኒኔ ሶስጳዊሮሲ ሂንቲና ሳሮ ያጎሶና።

²² ሃ ዳብዳቢያ ጳውሎስ ፃፊዳ ታኒ፥ ፃርዲዮሲ፥ ሂንቴና ጎዳ ሱንላን ሳሮ ያጋይስ።

²³ ታና ሞኪዳይኔ ዋሳ ከላ ኡባይ ኢያ ሶን ሺቂያ ጋዮሲ፥ ሂንቴና ሳሮ ያጌስ። ካታማ ሚሺያ ኦይኪያ ኤራስዖሲኔ ኑ ኢሻ ቃርዖሲ ሂንቴና ሳሮ ያጎሶና። [²⁴ ኑ ጎዳ ዬሱስ ኪሪስቶስ አጵ ኬሃቴላይ ሂንቴ ኡባራ ጊዶ። አሚንዒ።] *

²⁵ ያሳስ ጋላቲ ጊዶ። ታኒ፥ ዬሱስ ኪሪስቶስን ኦዲያ ዋንጌላ ቃላኒኔ ዳሮ ዋዴፔ ቆሴቲዲ ጋሞዒዳ ቱማቴላን፥ ያሳይ ሂንቴና አማኖን ሚንሐዲ ኤሳናው ዳንዳዔስ። ²⁶ ሺን ሃዒ ሄ ቱማይ ቆንጨሰ። ካዎቴላ ኡባይ አማኒዲ ኪቴታና ሜላ ሜሪና ያሳ ኪታን ናቤቲ ሄ ቱማባ ፃፊዶሶና።

²⁷ ዬሱስ ኪሪስቶስ ባጋራ ጨንጨቴሐ ኢያ ፃላላስ ዳዒያ፥ ኢሲ ያሳስ ሜሪናው ቦንቾይ ጊዶ። አሚንዒ።

16:23 ሃ.ኦ 19:29፤ 1ቆሮ 1:14፤ 2ዲሞ 4:20 * **16:24** ቤኒ ኮይሮ ማፃፋታን ፓይዶ 24 ዴና።

ኦራሳ ጩቂዋ ኅፋሶ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022
c35d6c73-3843-5482-b53e-7559d35deee5